

**Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO**

**GODIŠNJI PLAN RADA UPRAVE POLICIJE
ZA 2017.GODINU**

Sarajevo, 10.04.2017. godine

Sadržaj

I. Uvod- Opšte odredbe.....	3
1.1. Prostorna i vremenska važnost plana.....	4
1.2. Analitički i drugi osnovi za donošenje plana.....	5
1.3. Nadležnosti Uprave policije.....	5
II PRIORITETI U RADU.....	6
2.1. Lična i imovinska sigurnost građana Kantona koja podrazumjeva.....	7
2.2. Borba protiv korupcije.....	8
2.3. Borba protiv diskriminacije.....	8
2.4. Saradnja sa tužilaštvima u Bosni i Hercegovini i drugim agencijama za provođenje zakona.....	8
2.5. Zajedničke aktivnosti na stvaranju sigurnog ambijenta za boravak turista na području Kantona Sarajevo.....	8
III OPERATIVNE AKTIVNOSTI NA REALIZACIJI PRIORITETNIH ZADATAKA.....	8
3.1. Operativne aktivnosti koje će se poduzeti u cilju povećanja lične i imovinske sigurnosti građana na području Kantona Sarajevo.....	8
3.1.1. Analiza stanja.....	9
3.1.2. Aktivnosti na rasvjetljavanju krivičnih djela koja su u odnosu na druga krivična djela prioritet - krivična djela prijavljena u ranijem periodu, a koja nisu rasvjetljena.....	9
3.1.3. Prevencija i rasvjetljavanje krivičnih djela koja su u nadležnosti drugih policijskih agencija.....	10
3.1.4. Prevencija i rasvjetljavanje krivičnih djela iz nadležnosti Sektora kriminalističke policije.....	11
3.1.5. Prevencija i rasvjetljavanje krivičnih djela iz nadležnosti Sektora kriminalističke policije, Policijskih uprava i Jedinice za saobraćaj.....	13
3.2. Očuvanje i sprječavanje narušavanja javnog reda i mira na području Kantona Sarajevo.....	16
3.2.1. Aktivnosti na očuvanju javnog reda i mira.....	17
3.3. Aktivnosti koje će se poduzeti za osiguranje uvjeta za normalno i sigurno odvijanje saobraćaja na putevima na području Kantona Sarajevo.....	24
3.3.1. Preduzimanje mjera i radnji na smanjenju saobraćajnih nezgoda sa smrtnim posljedicama i povrijeđenim licima.....	25
3.3.2. Preduzimanje mjera i radnji na identifikaciji i sankcionisanju tzv. "trkača".....	25
3.3.3. Preduzimanje mjera i radnji na pružanju pomoći aktivnostima Ministarstva saobraćaja na suzbijanju pojava nelegalnih taxi prijevoznika;.....	26
3.3.4. Iznalaženje novih metoda u evidentiranju i dokazivanju prekršaja.....	26
3.4. Aktivnosti koje će se preduzeti u borbi protiv korupcije.....	27
3.5. Aktivnosti koje će se preduzeti u borbi protiv diskriminacije.....	27
3.6. Saradnja sa tužilaštvima i drugim agencijama za provođenje zakona.....	28
3.7. Zajedničke aktivnosti na stvaranju sigurnog ambijenta za boravak turista na području Kantona Sarajevo.....	28
IV . AKTIVNOSTI SEKTORA ZA PRAVNE, KADROVSKE, LOGISTIČKE POSLOVE, EDUKACIJU I ANALITIKU.....	29
4.1. Odjeljenje za pravne, kadrovske i logističke poslove.....	29
4.2. Odjeljenje za edukaciju.....	31
4.3. Odjeljenje za analitiku, planiranje i evidencije.....	31
V. ODNOSI S JAVNOŠĆU.....	33
5.1. Odjeljenje za odnose s javnošću.....	33
5.2. OPERATIVNO - KOMUNIKACIJSKI CENTAR.....	34
5.3. Odjeljenje za kriptozastitu.....	35

VI. DJELOVANJE POSEBNO OBUČENIH I SPECIJALIZIRANIH ORGANIZACIONIH JEDINICA.....	36
6.1. Jedinica za specijalističku podršku i Jedinica za podršku	36
6.2. Odjeljenje za kriminalističku tehniku, forenziku i KDZ	38
VII. INSPEKCIJE I NADZOR	39
VIII. PROFESIONALNI STANDARDI	41
IX. OSTALI POSLOVI I ZADACI IZ NADLEŽNOSTI UPRAVE POLICIJE.....	43

I. Uvod- Opšte odredbe

Uprava policije Ministarstva unutrašnjih poslova Kantona Sarajevo poslove iz svoje nadležnosti, a koji su utvrđeni Ustavom, Zakonom i drugim propisima će izvršavati neposredno i putem svojih unutrašnjih organizacionih jedinica. Preduzimanje mjera i radnji iz nadležnosti Uprave policije će se odvijati planski i kontinuirano u cilju blagovremenog, efikasnog i zakonitog izvršenja svih zadataka.

Opredijeljenost Uprave policije je, da postupanje policijskih službenika prilikom izvršenja službenih zadataka bude isključivo u skladu sa Zakonom, te da odnos prema svakom građaninu bude profesionalan, bez obzira na vjersku ili rasnu pripadnost, uz apsolutno poštivanje ljudskih prava i sloboda. Samim tim očekuje se veći stepen povjerenja zajednice u policiju, što je u konačnici jedan od neophodnih preduslova ukupne efikasnosti policije.

Godišnji plan rada Uprave policije će biti koncipiran na način da se prikaže prostorna i vremenska važnost plana, analitički i drugi osnovi za donošenje istog, da se ukaže na izvorne i permanentne nadležnosti Uprave policije. Nakon utvrđenih nadležnosti Uprave policije kao posebna poglavlja u planu će biti prikazani prioriteti u radu, na osnovu kojih će se utvrditi opredijeljenost u radu. Posebna pažnja će biti posvećena poglavlju operativne aktivnosti na realizaciji prioriteta zadataka. Također će, kao posebno poglavlje biti prikazani edukacija, analitika, odnosi s javnošću, djelovanje posebno obučanih specijaliziranih organizacionih jedinica, inspekcije i nadzor, unutrašnje kontrole i istrage, te rad policijskog komesara. Na pomenuti način, na bazi dosadašnje prakse, te utvrđenih manjkavosti, nedostataka kao i pozitivnih rezultata i primjera u radu, Godišnji plan rada će biti smjernica u radu i postupanju svih policijskih službenika Uprave policije Ministarstva unutrašnjih poslova Kantona Sarajevo.

Aktivnosti policije će se bazirati na planiranju, organizovanju i realizaciji zadataka na sveukupnom poboljšanju stanja sigurnosti na području Kantona Sarajevo, te u tom smislu preduzimanja neophodnih preventivno-represivnih mjera i radnji od strane policijskih službenika.

Godišnji plan rada Uprave policije je obavezna smjernica za rad svih organizacionih jedinica Uprave policije, te su u tom smislu iste dužne postupati po odredbama ovog Plana. Osim toga, organizacione jedinice Uprave policije u čijim je nadležnostima sprečavanje i otkrivanje krivičnih djela, te identifikacija i procesuiranje izvršilaca istih, održavanje javnog reda i mira, kontrola i regulisanje saobraćaja, su dužne sačinjavati mjesečne planove rada sa jasno izrađenim zadacima i određenim rokovima za izvršenje istih, a na kraju mjeseca su dužni sačinjavati izvještaje o realizaciji planskih preduzetih aktivnosti sa jasnom odredbom o izvršenju svakog pojedinog zadatka, uz obrazloženje neizvršenja određenog zadatka koji je planiran Planom.

1.1. Prostorna i vremenska važnost plana:

Godišnji plan Uprave policije za 2017. godinu donosi se na nivou Uprave policije Ministarstva unutrašnjih poslova Kantona Sarajevo.

Godišnji plan Uprave policije se donosi za 2017.godinu.

Godišnji plan za 2017. godinu smatra se donesenim kada ga potpiše Policijski komesar.

Godišnji plan Uprave policije za 2017. godinu, stupa na snagu danom potpisivanja.

Godišnji plan je obavezujući za sve organizacione jedinice Uprave policije, u smislu sačinjavanja Operativnih i Akcionih planova.

1.2. Analitički i drugi osnovi za donošenje plana

Godišnji plan se donosi na osnovu analize pokazatelja stanja kriminaliteta, javnog reda i mira i saobraćaja u periodu 01.01.– 01.11.2016.godine, 01.01.– 01.11.2015.godine i 01.01.- 01.11.2014.godine i na osnovu prijedloga organizacionih jedinica Uprave policije.

Osim navedenih prijedloga organizacionih jedinica Godišnji plan rada Uprave policije je baziran i na pokazateljima i iskustvima u praktičnom smislu koji su zabilježeni u proteklom periodu, a nisu analitički obrađeni. S tim u vezi uzeti su u obzir događaji i saznanja do kojih se došlo kako u svakodnevnom radu policije, tako i saznanjima do kojih se došlo na osnovu praćenja kretanja stanja sigurnosti na globalnom i lokalnom nivou. Bez obzira na nadležnosti Uprave policije MUP-a Kantona Sarajevo, određene Zakonom o unutrašnjim poslovima Kantona Sarajevo, određeni sigurnosni događaji i kretanja u širem i užem okruženju se moraju uzeti u obzir prilikom planiranja aktivnosti policije MUP-a Kantona Sarajevo.

Imajući u vidu činjenicu da je Uprava policije MUP-a Kantona Sarajevo jedan od osnovnih nosilaca sigurnosti građana Kantona Sarajevo (glavnog grada države Bosne i Hercegovine), sa posebnom pažnjom su uzeti u obzir stanje kretanja stanovništva, migracije, stanje u borbi protiv terorizma, trgovina ljudima i drugi parametri. Poseban značaj je dat činjenici da se na području Kantona Sarajevo nalaze smještene sjedišta Institucija vlasti Bosne i Hercegovine, Federacije Bosne i Hercegovine, Kantona i Grada Sarajevo, te značajan broj diplomatsko-konzularnih predstavništava drugih zemalja. Sve ove činjenice i niz drugih događaja, kao što su zabilježeni slučajevi iskazivanja nezadovoljstva građana socio-ekonomskom situacijom, određenim sigurnosnim događajima i slično, ukazuju na potrebu planskog i ciljanog djelovanja svih uposlenika Uprave policije sa jasno određenim zadacima podložnim evaluaciji i praćenju rada svakog pojedinca.

1.3. Nadležnosti Uprave policije

Na osnovu Zakona o unutrašnjim poslovima Kantona Sarajevo ("Sl.novine Kantona Sarajevo" broj 1/16) u članu 20. (unutrašnji poslovi) propisane su slijedeće nadležnosti Uprave policije:

- a) zaštita života i imovine, kao i drugih prava i sloboda utvrđenih ustavima u Bosni i Hercegovini,
- b) sprečavanje, otkrivanje i istraga krivičnih djela i prekršaja na području Kantona u skladu sa zakonom,
- c) poslovi i zadaci koji se odnose na održavanje javnog reda i mira,
- d) poslovi i zadaci koji se odnose na održavanje javnih okupljanja,
- e) osiguranje posebno određenih ličnosti i objekata Kantona,
- f) kriminalističko-tehnička vještačenja,
- g) poslovi sigurnosti, kontrole i regulisanja saobraćaja na putevima Kantona, poslovi kontrole taxi-vozila i vozača, te drugi poslovi sigurnosti u oblasti saobraćaja utvrđene posebnim Zakonom i podzakonskim aktima,
- h) saradnja sa drugim ministarstvima unutrašnjih poslova i drugim organima u Bosni i Hercegovini u okviru nadležnosti Ministarstva,
- i) poslovi izdavanja odobrenja za nabavljanje, držanje i nošenje oružja i municije, vođenje propisanih evidencija i vršenje drugih poslova i zadataka propisanih Zakonom o nabavljanju, držanju i nošenju oružja i municije,
- j) poslovi koji se odnose na oblast proizvodnje, prometa i skladištenja eksplozivnih, zapaljivih i opasnih materija iz nadležnosti kantona,
- k) vođenje kaznenih i prekršajnih evidencija i ustupanje istih nadležnim organima u skladu sa važećim zakonima i propisima i vođenje drugih službenih evidencija potrebnih za obavljanje zadataka iz nadležnosti Uprave policije, u skladu sa važećim zakonima i propisima,
- l) razmjena informacija sa tužilaštvima, sudovima i drugim policijskim organima u Bosni i Hercegovini,
- m) saradnja sa drugim policijskim organima, sigurnosnim agencijama i drugim organima u Bosni i Hercegovini u okviru nadležnosti Uprave policije,
- n) pružanje pomoći i drugim državnim organima i pravnim licima kojima je povjereno vršenje javnih ovlaštenja u skladu sa posebnim propisima,
- o) druge poslove i zadatke policije koje Upravi policije povjere tužilaštva u Bosni i Hercegovini,

p) poslove modernizacije i opremanja za informacijski i radio-relejni sistem Ministarstva i izrada projekata računarske obrade podataka,

r) druge poslove i zadatke utvrđene zakonom i drugim propisima.

Imajući u vidu činjenicu da je Uprava policije kantonalna uprava u sastavu Ministarstva, čija se nadležnost, organizacija, rukovođenje i način rada i druga pitanja koja su od značaja za rad i funkcionisanje Uprave policije u okviru Ministarstva uređuje Zakonom o unutrašnjim poslovima Kantona Sarajevo, te da ista ima status budžetskog korisnika unutar budžetskog razdjela Ministarstva i samostalno koristi sredstva za:

a) plaće, doprinose i naknade koje nemaju karakter plaće,

b) sredstva za kapitalne izdatke,

c) gorivo, uniforme i materijale za održavanje javnog reda i sigurnosti i sitan inventar,

d) školovanje kadeta i specijalizaciju i

e) druge pripadajuće troškove vezane za poslove Uprave policije

Uprava policije će planski i u kontinuitetu tokom 2017. godine obavljati poslove i zadatke koji su vezani za budžet.

II PRIORITETI U RADU

Uprava policije će, u okviru svojih nadležnosti, u svom radu onemogućavati svako narušavanje ljudskih prava i sloboda, a posebno preventivnim i operativnim radom na terenu, osiguravati punu ličnu i imovinsku sigurnost svakog građanina.

Polazeći od zakonskih ovlaštenja, redovno će se pratiti i analizirati aktuelne sigurnosne pojave te u tom smislu izrađivati analize i sačinjavati informacije o trenutnoj sigurnosnoj situaciji i problematici, s ciljem blagovremenog preduzimanja mjera i radnji na suzbijanju svih nezakonitih djelovanja kao i permanentno izvještavanje nadležnih institucija i javnosti o stanju sigurnosti, te aktuelnim pojavama koje su od značaja za građanstvo sa aspekta njihove sigurnosti. Analizirajući stanje sigurnosti na području Kantona Sarajevo, zatim kretanja sigurnosnih pojava na širem i užem području, a uzimajući u obzir relevantne analitičke i podatke utvrđene u praktičnom radu, Uprava policije je opredjeljena da tokom 2017. godine prioriteta u njenom radu budu :

2.1. Lična i imovinska sigurnost građana Kantona koja podrazumjeva:

1.1.) sprečavanje i otkrivanje svih vrsta krivičnih djela, te identifikacija i procesuiranje izvršilaca istih sa ciljem smanjenja ukupne stope kriminaliteta na području Kantona Sarajevo sa posebnim akcentom na :

- rasvjetljavanje i dokumentovanje svih krivičnih djela prijavljenih u ranijem periodu,
- sprečavanje i otkrivanje izvršilaca krivičnih djela razbojništava,
- sprečavanje i otkrivanje izvršilaca krivičnih djela teških krađa motornih vozila.

1.2.) Očuvanje i sprečavanje narušavanja javnog reda i mira na području Kantona Sarajevo sa posebnim akcentom na:

1.2.1. preduzimanje mjera i radnji na sprečavanju narušavanja javnog reda i mira i činjenja prekršaja iz oblasti Zakona o javnom redu i miru Kantona Sarajevo,

1.2.2. preduzimanje mjera i radnji na sprečavanju narušavanja javnog reda i mira i činjenja prekršaja predviđenih Odlukom o prekršajima Kantona Sarajevo,

1.2.3. preduzimanje mjera i radnji na osiguranju javnih skupova,

1.2.4. sprečavanje nasilja i nedoličnog ponašanja na sportskim manifestacijama.

1.3.) Osiguranje uvjeta za normalno i sigurno odvijanja saobraćaja na putevima na području Kantona Sarajevo

1.3.1. preduzimanje mjera i radnji na smanjenju saobraćajnih nezgoda sa smrtnim posljedicama i povrijeđenim licima,

1.3.2. preduzimanje mjera i radnji na identifikaciji i sankcionisanju tzv. "trkača" odnosno lica - vozača motornih vozila/motocikala koji načinom upravljanja predstavljaju opasnost u saobraćaju za sve učesnike u saobraćaju,

1.3.3. preduzimanje mjera i radnji na pružanju pomoći Ministarstvu saobraćaja Kantona Sarajevo na suzbijanju pojava nelegalnih taxi prijevoznika,

1.3.4. osavremenjavanje i iznalaženje novih metoda i načina evidentiranja i dokazivanja svih vrsta prekršaja u saobraćaju postavljanjem novih video-kamera na saobraćajnicama, korištenje savremenih tehničkih dostignuća kontrole brzine kretanja motornih vozila i stepena utvrđivanja alkoholisanosti i dejstva opojnih droga kod vozača.

2.2. Borba protiv korupcije

2.3. Borba protiv diskriminacije

2.4. Saradnja sa tužilaštvima u Bosni i Hercegovini i drugim agencijama za provođenje zakona

2.5. Zajedničke aktivnosti na stvaranju sigurnog ambijenta za boravak turista na području Kantona Sarajevo

III OPERATIVNE AKTIVNOSTI NA REALIZACIJI PRIORITYNIH ZADATAKA

Operativne aktivnosti na realizaciji prioritynih zadataka Uprava policije će vršiti u okviru svojih organizacionih jedinica, sa jasno i precizno definisanim zadacima opisanim u Pravilniku o unutrašnjoj organizaciji Ministarstva unutrašnjih poslova Kantona Sarajevo i to:

- a) Ured policijskog komesara,
- b) Sektor uniformisane policije,
- c) Sektor kriminalističke policije,
- d) Sektor za pravne, kadrovske, logističke poslove i edukaciju,
- e) policijske uprave.

3.1. Operativne aktivnosti koje će se poduzeti u cilju povećanja lične i imovinske sigurnosti građana na području Kantona Sarajevo

Kada je u pitanju sprečavanje i otkrivanje svih vrsta krivičnih djela, te identifikacije i procesuiranje izvršilaca istih potrebno je naglasiti da će se navedeno odvijati na dva nivoa. Shodno nadležnostima Pravilnika o unutrašnjoj organizaciji Ministarstva unutrašnjih poslova Kantona Sarajevo poslove i zadatke sprečavanja i otkrivanja krivičnih djela će obavljati policijski službenici Sektora kriminalističke policije i policijski službenici Policijskih uprava. Osim toga, pored navedenih organizacionih jedinica, svi policijski službenici Uprave policije će shodno odredbama Zakona o krivičnom postupku F BiH imati u obavezi preduzimanje mjera na sprečavanju krivičnih djela, prijavljivanja istih, te identifikaciji i pružanju podataka o učiniocima. Također, policijski službenici Uprave policije će, u svakom momentu, u skladu sa svojim ovlaštenjima, preduzeti odgovarajuće mjere i radnje na sprečavanju i otkrivanju krivičnih djela koja su u nadležnosti drugih policijskih agencija na nivou Bosne i Hercegovine (ukoliko raspolažu sa podacima o izvršenom krivičnom djelu ili izvršiocu), a posebno u situacijama kada je neophodno pružiti pomoć policijskim službenicima drugih agencija za provođenje zakona ili tužilaštvima u Bosni i Hercegovini.

3.1.1. Analiza stanja

Analizirajući stanje kriminaliteta u 2016. godini, sa uporednim pokazateljima za 2015. i 2014. godinu, može se konstatovati da je ukupan broj krivičnih djela u opadanju, te da je broj krivičnih djela protiv života i tijela također u opadanju. Navedena činjenica daje ohrabrenje policijskim službenicima da u narednom periodu još aktivnije i ozbiljnije pristupe realizaciji zadataka u preventivnom smislu, kako bi se u 2017. godini postigli još bolji rezultati.

Izvršenom analizom krivičnih djela protiv imovine može se konstatovati da je u 2016. godini došlo do smanjenja izvršenih krivičnih djela, ali da i pored ove činjenice policijski službenici zbog specifičnosti izvršenja ovih krivičnih djela moraju djelovati proaktivno u cilju zaštite ljudi i imovine.

Posmatrajući proces demokratizacije društva i proces otvaranje policije prema zajednici, postaje jasno da će doći do jačanja povjerenja građana u policiju, što na osnovu iskustava policija zemalja Zapadne Evrope dovodi do porasta broja prijavljenih KD, što će zahtijevati maksimalan angažman policijskih službenika u cilju rasvjetljavanja prijavljenih KD-a.

Uopšteno gledano, stanje u oblasti kriminaliteta je držano pod kontrolom, posebno ako se uzme u obzir da su KD-a koja su izazvala uznemirenje javnosti uglavnom rasvijetljena i procesuirana. Krivična djela koja nisu procesuirana/rasvijetljena bit će prioritet u radu Uprave policije.

3.1.2. Aktivnosti na rasvjetljavanju krivičnih djela koja su u odnosu na druga krivična djela prioritet - krivična djela prijavljena u ranijem periodu, a koja nisu rasvijetljena

Kao prioritet u radu policijskih službenika nameće se rasvjetljavanje krivičnih djela, pronalazak i procesuiranje izvršilaca ubistava B.K., T.T., H.Z., M.B. i S. A., kao i ostalih krivičnih djela Ubojstvo, koja se vode protiv NN izvršioca u periodu 1997. - 2016. godine.

U tom smislu preduzeti će se slijedeće aktivnosti :

- Angažovati sve potrebne resurse i staviti ih na raspolaganje nadležnom tužiocu u cilju rasvjetljavanja ovih krivičnih djela i drugih neriješenih krivičnih djela ubistva.
- U skladu sa novim informacijama i podacima, koji mogu dovesti do identifikacije i procesuiranja izvršilaca ovih krivičnih djela, uz neposrednu saradnju sa nadležnim tužilaštvom, ažurirati postojeće operativne planove rada sačinjene u vezi rasvjetljavanja navedenih krivičnih djela.
- U slučaju prikupljanja novih dokaza i činjenica vezanih za navedeno odmah obavijestiti nadležno tužilaštvo, u cilju pravilnog i zakonitog dokumentovanja istih, te preduzimanja daljih mjera i radnji.

- Unaprijediti aktivnosti i metode koje se odnose na brže i efikasnije prikupljanje operativnih podataka na terenu, propisno i zakonito angažovanje informanata, u cilju rasvjetljavanja krivičnih djela i pronalaska izvršilaca krivičnih djela, a u skladu sa Instrukcijom o upravljanju informantima MUP-a Kantona Sarajevo.

Nosioci aktivnosti: policijski službenici Sektora kriminalističke policije
Rok: Stalan zadatak

3.1.3. Prevencija i rasvjetljavanje krivičnih djela koja su u nadležnosti drugih policijskih agencija

- Provoditi planske preventivne aktivnosti protiv terorizma, u skladu sa Memorandumom o saradnji u borbi protiv terorizma u FBiH, koji je potpisan između Federalne uprave policije i uprava policije kantonalnih MUP-a i to kroz planske aktivnosti svih policijskih službenika, pridajući najveći značaj operativnom radu na terenu uz blagovremenu distribuciju prikupljenih obavještenja i obrađenih predmeta, prema MUP-a FBiH i nadležnim organizacionim jedinicama, policijskim agencijama i nadležnom tužilaštvu. Rad po ovom segmentu će se odvijati i u skladu sa zahtjevom Tužilaštva BiH broj: A-352/04 po principu prikupljanja i distribucije svih vrsta informacija koje se tiču pripreme, planiranja i izvršenja krivičnog djela terorizma uključujući i krivična djela javnog podsticanja na terorističke aktivnosti, vrbovanja radi terorističke aktivnosti, obuke za izvođenje terorističkih aktivnosti i organiziranje terorističke grupe, a u cilju sprečavanja njihovog izvršenja.

- Angažovati i nadležnom tužilaštvu i Federalnoj upravi policije staviti na raspolaganje sve raspoložive resurse s ciljem rasvjetljavanja ovakvih krivičnih djela, u slučaju da se dogode u 2017. godini.

- Pojačati aktivnosti na prikupljanju, obradi i distribuciji podataka za lica - mete NIVO 2. i 3., kroz formiranje i održavanje dosjea, za lica sklona izvršenju KD-a i lica povezana sa grupama koje se bave organizovanim kriminalom i koje su sklone nasilju, vođenje evidencija o višestrukim povratnicima u vršenju KD-a nad kojima se vrši pojačano nadziranje. Pravovremeno razmjenjivati informacije sa ostalim policijskim agencijama.

Nosilac aktivnosti: Kriminalističko-obavještajna jedinica Sektora kriminalističke policije
Rok: Stalan zadatak

- Unaprijediti aktivnosti i metode koje se odnose na brže i efikasnije prikupljanje operativnih podataka na terenu, propisno i zakonito angažovanje informanata, u cilju rasvjetljavanja krivičnih djela, sa akcentom na najteže oblike krivičnih djela i organizovani kriminal, u cilju pronalaska izvršilaca krivičnih djela, a u skladu sa Instrukcijom o upravljanju informantima MUP-a Kantona Sarajevo.

Nosioci aktivnosti: policijski službenici Sektora kriminalističke policije
Rok: Stalan zadatak

3.1.4. Prevencija i rasvjetljavanje ostalih krivičnih djela iz nadležnosti Sektora kriminalističke policije

- Krivična djela iz oblasti korupcije

Sprovođenje preventivnih i represivnih aktivnosti u cilju smanjenja svih oblika korupcije putem redovnih aktivnosti, kao i postupanje prema Planu Vlade Kantona Sarajevo za borbu protiv korupcije.

Nosilac aktivnosti: Odjeljenje za privredni kriminal Sektora kriminalističke policije
Rok: Stalan zadatak

- Krivična djela protiv spolne slobode i morala

- Po prirodi krivičnih djela iz oblasti seksualnih delikata, prioritet u radu predstavlja adekvatan pristup oštećenoj osobi kao i blagovremenost, radi bioloških tragova, koji će u postupku predstavljati materijalni dokaz. Ova vrsta krivičnih djela predstavlja prioritet u radu, jer njihovo izvršenje privlači medijsku pažnju i uznemirenje građana, dok problem u radu predstavlja znatan broj lažno prijavljenih krivičnih djela iz ove oblasti.

Nosilac aktivnosti: Odjeljenje za opći kriminal Sektora kriminalističke policije
Rok: Stalan zadatak

- Krivična djela iz oblasti trgovine ljudima

- Preventivno djelovati na sprečavanju ove pojave u planiranom periodu i prikupljati operativna saznanja u cilju dokazivanja ovih krivičnih djela i prosljeđivati operativne podatke Agenciji za istrage i zaštitu BiH, za krivična djela koja su u njihovoj nadležnosti.

- Angažovati sve potrebne resurse i staviti ih na raspolaganje nadležnom tužiocu, u cilju pronalaska i procesuiranja izvršilaca ovih krivičnih djela.

Nosilac aktivnosti: Odjeljenje za posebne namjene Sektora kriminalističke policije
Rok: Stalan zadatak

- Krivična djela iz oblasti braka, porodice i mladeži

- Preventivno i represivno djelovati na sprečavanju ove pojave u planiranom periodu kroz prikupljanje operativnih podataka o počiniocima i recidivistima ovih krivičnih djela. U cilju zaštite porodice, žrtava nasilja u porodici, a naročito djece koja su žrtve, primjenjivati zaštitne mjere predviđene Zakonom o zaštiti od nasilja u porodici i Zakonom o zaštiti i postupanju sa djecom i maloljetnicima u krivičnom postupku FBiH.

- Angažovati sve potrebne resurse i staviti ih na raspolaganje nadležnom tužiocu u cilju gonjenja i dokazivanja ovih krivičnih djela.

Nosilac aktivnosti: Odjeljenje za posebne namjene Sektora kriminalističke policije
Rok: Stalan zadatak

- Krivična djela iz oblasti Zloupotreba opojnih droga

- Tokom 2017.godine ažurirati će se postojeći operativni planovi rada na sprečavanju zloupotreba opojnih droga na području Kantona Sarajevo, te će se po potrebi sačiniti novi operativni planovi rada sa jasno definisanim zadacima.
- Pojačati aktivnosti na razmjeni informacija sa ostalim agencijama za provođenje zakona na području Bosne i Hercegovine kao i Interpolom u cilju eventualnog presijecanja određenih "kanala" distribucije opojnih droga.
- Pristupiti aktivnijem prikupljanju podataka na terenu u cilju lociranja i identifikovanja lica koja se bave proizvodnjom i prodajom opojnih droga.
- Blagovremeno izvještavanje nadležnog tužilaštva o svim saznanjima, te u tom smislu zajedničko djelovanje na pronalasku opojnih droga.
- Uz poštivanje svih zakonskih normi te uz punu zaštitu ljudskih prava i dostojanstva, a uz saglasnost sa nadležnim tužilaštvom preduzeti mjere na aktivnijem odnosu i saradnji sa terapijskim zajednicama.
- Uz preduzimanje navedenih mjera očekuje se povećan broj prijavljenih osoba za sve zloupotrebe opojnih droga u 2017. godini, kao i povećan broj podnešenih izvještaja o izvršenim krivičnim djelima po svim osnovama zloupotrebe opojnih droga u planiranom periodu. Osim toga, očekuje se i povećana količina zaplijenjenih opojnih droga u planiranom periodu.

Nosioci aktivnosti: Odjeljenje za borbu protiv zloupotrebe opojnih droga
Sektor kriminalističke policije

Rok: Stalan zadatak

- Krivična djela Ratnih zločina

- Tokom 2017.godine nastaviti sa prioritarnim postupanjem po naredbama nadležnih tužilaštava i sudova, koja se odnose na predmete ratnog zločina kao i odluke i apelacije Komisije za ljudska prava Vlade FBiH, a sva eventualno prikupljena saznanja u vezi sa počinjenim ratnim zločinima i izvršiocima istih će se hitno dostavljati nadležnim institucijama, radi postupanja po istim.
- Postupanje po naredbama Kantonalnog suda u Sarajevu broj:09 0 K 026189 16 Kpp i Kantonalnog tužilaštva Kantona Sarajevo broj: T 09 0 KTA RZ 0100837 16 za reviziju i reekshumaciju, antropološku i sudsko-medicinsku obradu i uzimanje uzoraka za DNA analizu, u cilju identifikacije 253 NN žrtve ratnog zločina, koje su ekshumirane u prethodnom periodu po naredbama Kantonalnog suda u Sarajevu.

Nosilac aktivnosti: Odjeljenje za opći kriminal Sektora kriminalističke policije

Rok: Stalan zadatak

3.1.5. Prevencija i rasvjetljavanje krivičnih djela iz nadležnosti Sektora kriminalističke policije, Policijskih uprava i Jedinice za saobraćaj

- Kao jedan od prioriteta u radu Uprave policije u 2017. godine je sprečavanje i rasvjetljavanje krivičnih djela razbojništava, razbojničkih krađa, teških krađa na naročito drzak ili opasan način, teških krađa motornih vozila. Navedena krivična djela po svom načinu izvršenja, stepenu društvene opasnosti, izazivanju nesigurnosti kod građana, zavređuju posebnu pažnju u djelovanju svih policijskih službenika. Praksa je pokazala da izvršiocima ovih krivičnih djela prilikom izvršenja istih iskazuju visok stepen drskosti i bezobzornosti, a nerijetko oštećene osobe pored materijalne štete, izazvane otuđenjem određenih predmeta i stvari, dožive emocionalni stres uzrokovan visokim nivoom straha. Također, u određenom broju slučajeva oštećene osobe budu i fizički povrijeđene od izvršilaca navedenih krivičnih djela. Zabilježeni su slučajevi gdje su izvršiocima pored prijetnje određenim oružjem ili oruđem isto upotrijebili, pa je došlo do ranjavanja i nanošenja tjelesnih povreda sa smrtnim posljedicama lica koja nisu na bilo koji način vezana za izvršenje krivičnog djela (slučajni prolaznik).

- Krivična djela razbojničke krađe i razbojništva

- Preventivno djelovati radi sprečavanja vršenja krivičnih djela razbojništava u banke, benzinske pumpe, prodavnice, kladionice, na ostalim javnim mjestima i sl.

- Preventivno djelovanje mora biti bazirano na izvršenim analizama ovih krivičnih djela, gdje će se utvrditi svi podaci o izvršenim krivičnim djelima (mjesto, vrijeme izvršenja, način izvršenja, dan u sedmici).

- Analiza ovih krivičnih djela se mora vršiti svakodnevno, te u tom smislu pratiti kretanje ovog oblika kriminaliteta.

- Također, će se prikupiti što veći broj operativnih saznanja o mogućim izvršiocima i planerima ovakvih KD-a.

- Izdiferencirati objekte i područja koji su najugroženiji i najranjiviji, te kao takvi predstavljaju najčešću metu za izvršenje ovih krivičnih djela.

- Izdiferencirati kategoriju lica - izvršilaca koji su najčešći izvršiocima ovih krivičnih djela, odnosno ponavljači, kako bi se na vrijeme preduzele mjere na njihovom lociranju, praćenju i sprečavanju u izvršenju krivičnih djela.

- Nakon izvršene analize i prikupljenih podataka prilagoditi raspored službe problematici na terenu, te u tom smislu angažovati veći broj policijskih službenika (uniformisanih i u civilu) na mjestima gdje najčešće dolazi do izvršenja gore navedenih krivičnih djela.

- Svakom policijskom službeniku, koji poslove i zadatke obavlja na terenu, u patrolne naloge evidentirati zadatak preveniranja ove vrste krivičnih djela, te tražiti povratnu informaciju u pismenoj formi.

- Ažurirati postojeće i sačiniti nove operativne planove rada na sprečavanju ove vrste krivičnih djela.

- Osigurati odgovarajuća materijalno-tehnička sredstva i opremu za bezbjedno i zakonito obavljanje pomenutih poslova i zadataka.
- Permanentnim obilaskom terena i kontrolom rada policijskih službenika utvrditi da li se predviđeni poslovi i zadaci obavljaju u skladu sa Planom.
- Ostvariti usku saradnju sa čuvarskim službama iz Agencija za zaštitu ljudi i imovine radi bržeg i efikasnijeg djelovanja, nakon izvršenog krivičnog djela, u cilju hvatanja izvršilaca krivičnih djela.
- Ostvariti usku saradnju sa odgovornim licima u objektima koji su najčešća meta izvršilaca, radi preduzimanja mjera samozaštite .
- Utvrditi i ostale činjenice koje su neophodne za proaktivno djelovanje na sprečavanju i otrivanju ovih krivičnih djela.
- Angažovati sve potrebne resurse i staviti ih na raspolaganje nadležnom tužiocu u cilju pronalaska i procesuiranja izvršilaca ovih krivičnih djela.

Nosioci aktivnosti: Policijske uprave, Sektor kriminalističke policije (za teže oblike krivičnih djela)

Odgovorni za izvršenje zadatka: Načelnici Odjeljenja kriminalističke policije u PU, komandiri policijskih stanica, Načelnik Odjeljenja za opći kriminal u Sektoru kriminalističke policije

Rok: Stalan zadatak

- Krivična djela teških krađa motornih vozila

- Preventivno djelovati radi sprečavanja vršenja krivičnih djela teških krađa motornih vozila .
- Preventivno djelovanje mora biti bazirano na izvršenim analizama ovih krivičnih djela, gdje će se utvrditi svi podaci o izvršenim krivičnim djelima (mjesto, vrijeme izvršenja, način izvršenja, dan u sedmici).
- Analiza ovih krivičnih djela se mora vršiti svakodnevno, te u tom smislu pratiti kretanje ovog oblika kriminaliteta.
- Također, će se prikupiti što veći broj operativnih saznanja o mogućim izvršiocima i planerima ovakvih KD-a.
- Izdiferencirati područja i ulice u kojima su se najčešće vršila ova krivična djela.
- Utvrditi najčešće rute kretanja otuđenih vozila, radi bržeg i efikasnijeg djelovanja nakon izvršenog krivičnog djela, u cilju hvatanja izvršilaca krivičnih djela.
- Prikupiti operativne podatke o mjestima gdje se vrši skrivanje, odnosno mjesta gdje se vrši demontiranje dijelova sa otuđenih vozila, radi pribavljanja naredbe za vršenje pretresa i

pronalaska otuđenih vozila.

- Izdiferencirati kategoriju lica - izvršilaca koji su najčešći izvršiocu ovih krivičnih djela, odnosno ponavljači kako bi se na vrijeme preduzele mjere na njihovom lociranju, praćenju i sprečavanju u izvršenju krivičnih djela.

- Nakon izvršene analize i prikupljenih podataka prilagoditi raspored službe problematici na terenu, te u tom smislu angažovati veći broj policijskih službenika (uniformisanih i u civilu) na mjestima gdje najčešće dolazi do izvršenja gore navedenih krivičnih djela.

- Svakom policijskom službeniku koji poslove i zadatke obavlja na terenu, u patrolne naloge evidentirati zadatak preveniranja ove vrste krivičnih djela, te tražiti povratnu informaciju u pismenoj formi.

- Ažurirati postojeće i sačiniti nove operativne planove rada na sprječavanju ove vrste krivičnih djela.

- Osigurati odgovarajuća materijalno-tehnička sredstva i opremu za bezbjedno i zakonito obavljanje pomenutih poslova i zadataka.

- Permanentnim obilaskom terena i kontrolom rada policijskih službenika utvrditi da li se predviđeni poslovi i zadaci obavljaju u skladu sa Planom.

- Ostvariti usku saradnju sa ostalim agencijama za provođenje zakona, radi razmjene podataka o organizovanim grupama koje vrše ova krivična djela,

- Ostvariti usku saradnju sa odgovornim licima u auto-otpadima radi prikupljanja podataka o licima koja nude na prodaju auto-dijelove čije je porijeklo sumnjivo.

- Putem javnih kampanja i u direktnim kontaktima sa građanima preduzeti mjere na edukaciji istih, radi preduzimanja mjere zaštite motornih vozila postavljanjem odgovarajućih sigurnosnih uređaja, odnosno drugih mjera koje su najefikasnije u zaštiti od otuđenja.

- U cilju preventivnog i represivnog djelovanja u borbi protiv teških krađa motornih vozila preduzeti aktivnosti na postavljanju video-kamera na izlazima iz Kantona Sarajeva.

- Utvrditi i ostale činjenice koje su neophodne za proaktivno djelovanje na sprečavanju i otkrivanju ovih krivičnih djela.

- Angažovati sve potrebne resurse i staviti ih na raspolaganje nadležnom tužiocu u cilju pronalaska i procesuiranja izvršilaca ovih krivičnih djela.

Nosiloci aktivnosti: Policijske uprave, Sektor kriminalističke policije (za teže oblike krivičnih djela)

Odgovorni za izvršenje zadatka: Načelnici Odjeljenja kriminalističke policije u PU, komandiri policijskih stanica, Načelnik Odjeljenja za opći kriminal u Sektoru kriminalističke policije

Rok: Stalan zadatak

- Ostala krivična djela koja su najzastupljenija na području Kantona Sarajevo i zavređuju posebne aktivnosti u spriječavanju i rasvjetljavanju:

Od ostalih krivičnih djela u toku proteklog perioda najzastupljenija su krivična djela:

- teške krađe u zatvorene prostore (stanovi, kuće, vozila i dr.),
- džepne krađe,
- izazivanje opšte opasnosti,
- ugrožavanje sigurnosti,
- oštećenje tuđe stvari,
- nasilničko ponašanje
- teška tjelesna povreda
- nasilje u porodici.
- šumske krađe

Također je potrebno napomenuti krivična djela napada na vjerske objekta i službenike, groblja i povratnike koja se na području Kantona pojavljuju ali nisu poprimila oblik masovnosti niti su zabilježeni učestali slučajevi.

- U vezi sa naprijed navedenim policijske uprave i Odjeljenja u Sektoru kriminalističke policije će shodno svojim nadležnostima u 2017. godini planski preduzimati potrebne mjere i radnje u cilju smanjenja pobrojanih krivičnih djela kao i rasvjetljavanju istih te procesuiranju izršilaca.

Nosiloci aktivnosti: Policijske uprave, Sektor kriminalističke policije (za teže oblike krivičnih djela)

Odgovorni za izvršenje zadatka: Načelnici Odjeljenja kriminalističke policije u PU, komandiri policijskih stanica, Načelnik Odjeljenja za opći kriminal u Sektoru kriminalističke policije

Rok: Stalan zadatak

3.2. Očuvanje i spriječavanje narušavanja javnog reda i mira na području Kantona Sarajevo

- Opća situacija i analiza stanja

Analizirajući podatke iz oblasti JRiM može se zaključiti da je u 2016. godini došlo do povećanja broja prekršaja narušavanja javnog reda i mira. Bitan pokazatelj u posmatranom periodu je činjenica da je broj počinjenih prekršaja na stadionima umanjen u odnosu na 2015. godinu, dok je u ugostiteljskim objektima uvećan. Broj prekršaja u prevoznim sredstvima o odnosu na prošlu godinu je na istom nivou, dok je broj prekršaja u školama uvećan u odnosu na 2015.godinu.

Sagledavajući podatke iz analize JRM-a može se konstatovati da je u 2016. godini došlo do povećanja broja počinjenih prekršaja u odnosu na isti period 2015. godine za 2,8 %. Isto tako, povećanje je zabilježeno u odnosu na isti period 2014. godine i to za 21,6 %.

U prvih deset mjeseci 2016. godine registrovano je 400 tuča, što je za 25,1 % manje nego u istom periodu prošle godine, a za 32,3 % manje nego u istom periodu 2014. godine. U istom periodu 2016. godine je registrovano 452 slučaja naročito drskog ponašanja što je za 6,8 % manje nego u istom periodu 2015. godine, odnosno za 16,4 % manje nego u 2014. godini.

Općenito, problematika JRiM-a je zadovoljavajuća, uz konstataciju da broj počinjenih prekršaja iz ove oblasti, da je neophodno ciljano planiranje aktivnosti policije, čija će realizacija značajnije doprinijeti smanjenju broja prekršaja iz oblasti javnog reda i mira.

3.2.1. Aktivnosti na očuvanju javnog reda i mira

Očuvanje i sprečavanje narušavanja javnog reda i mira na području Kantona Sarajevo Uprava policije će provoditi preko svojih organizacionih jedinica kroz:

- preduzimanje mjera i radnji na sprečavanju javnog reda i mira iz činjenja prekršaja iz oblasti iz Zakona o prekršajima protiv javnog reda i mira Kantona Sarajevo,
- preduzimanje mjera i radnji na sprečavanju javnog reda i mira i činjenju prekršaja predviđenih Odlukom o prekršajima Kantona Sarajevo,
- preduzimanje mjera i radnji na osiguranju javnih skupova,
- sprečavanje nasilja i nedoličnog ponašanja na sportskim manifestacijama.
- blagovremeno intervenisanje u svim situacijama koje mogu eskalirati u činjenje prekršaja radi prevencije narušavanja javnog reda i mira.

S ciljem preveniranja problematike iz oblasti JRiM-a, navedene aktivnosti će planirati sve policijske uprave kao i Jedinica za specijalističku podršku i Jedinica za podršku, a naročito.:

- Održavanje javnog reda i mira u normalnim okolnostima- zadaci:

- Uprava policije MUP-a Kantona Sarajevo će na osnovu analize stanja po ovoj problematici, svim svojim organizacionim jedinicama pravovremeno nalagati pojačano djelovanje po svim segmentima policijskog rada u cilju suzbijanja svih oblika nezakonitih radnji iz oblasti javnog reda i mira i kriminaliteta.

- Prilagođavanje rasporeda službe po izvršenim procjenama vremena i prostora kada i gdje najčešće dolazi do narušavanja JRiM-a.

- Potrebno je da se u narednom periodu blagovremeno formiraju policijske patrole u uniformama za sprečavanja narušavanja JRiM-a (crne uniforme) sastavljene od tri ili četiri policijska službenika tokom 24 sata, kao i pojačano djelovanje patroliranjem policijskih službenika Jedinice za specijalističku podršku, te aktiviranje dežurstva rukovodnih radnika u poslijepodnevnim satima i dane vikenda, a sve na osnovu analize trenutnog stanja na terenu. Pravovremeno će se izrađivati sigurnosne procjene za određene ugostiteljske

objekte da bi se na vrijeme prikupili podaci, u cilju dobijanja naredbi od nadležnog Suda radi planiranja pretresa, a radi pronalaska nelegalnog oružja, municije i eksplozivnih sredstava, te drugih predmeta podesnih za nanošenje tjelesnih ozljeda, pronalaska lica za kojima se traga, kao i pronalaska maloljetnika koji se nalaze u određenim objektima ili prostorima poslije 23,00 sati. Vršit će se kontrole parkova i mjesta gdje se okupljaju maloljetnici, te da prema licima koji konzumiraju alkohol na javnim površinama suprotno općinskim odlukama, preduzimaju mjere sankcionisanja.

- Preventivno i represivno djelovanje kod tuča, naročito drskog ponašanja i omalovažavanja policijskih službenika, posebno u i ispred ugostiteljskih objekata, na otvorenom prostoru i sredstvima javnog prijevoza.

- Imajući u vidu ovlasti predviđene u Zakonu o unutrašnjim poslovima, Zakonu o policijskim službenicima, Zakonu o prekršajima FBiH i dr., policijski službenici Jedinice za specijalističku podršku svakodnevno će kroz obavljanje poslova i zadataka vršiti preventivne i represivne aktivnosti radi pronalaska nelegalnog oružja, municije i minsko - eksplozivnih sredstava i preduzimati aktivnosti u skladu sa pozitivnim propisima.

- Jedinica za podršku će sa raspoloživim resursima nastojati da pokrije što veći dio prostora u svim mjesnim zajednicama, kvartovima i ulicama Kantona u saradnji sa policijskim upravama, kako bi se kontrolisale uže gradske zone, gdje se kreće veliki broj građana i turista. Sve aktivnosti će se provoditi u skladu sa zaključcima analitičkog praćenja stanja prekršaja ili krivičnih djela na određenom području, te će se shodno tome policijski službenici upućivati na ona mjesta i žarišta. gdje najčešće dolazi do izvršenja krivičnih djela ili prekršaja. Cilj je da se prevencijom krivičnih djela i prekršaja, kontroliše što veći teritorij, kako bi se osigurao veći stepen sigurnosti građana Kantona, turista i lica koja borave u Kantonu.

- Uzimajući u obzir činjenicu da se u proteklom periodu određen broj incidenata desio i u vozilima javnog prijevoza, u kojima je dolazilo do povređivanja građana, odnosno putnika, kao i radnika KJKP „GRAS“ Sarajevo, intenzivirati mjere i radnje kroz pojačano prisustvo policijskih službenika u sredstvima javnog prevoza, na stajalištima i neposrednoj blizini istih te planirati, organizovati i realizovati adekvatne preventivne i represivne mjere u cilju sprečavanja vršenja ovih krivičnih djela, otkrivanja počinitelaca i procesuiranja istih sukladno zakonu.

- Jačanje koordinacije između policije i građana u cilju izgradnje obostranog povjerenja i partnerskih odnosa u cilju sprečavanja prijestupničkih djelovanja, realizirat će se kroz projekat „Rad policije u zajednici“. Bitno je naglasiti da sve policijske uprave u svojim policijskim stanicama imaju raspoređene policijske službenike čiji je opis poslova „Rad policije u zajednici“, koji će u narednom periodu svakodnevno ostvarivati kontakte sa zajednicom, te u saradnji sa drugim institucijama i samostalno provoditi projekte edukativno- savjetodavnog karaktera, koji osnažuju povjerenje između zajednice i policije.

- Prioriteti iz oblasti Javnog reda i mira su jednim dijelom određeni na osnovu Zaključaka Vlade Kantona Sarajevo broj 02-05-12401-6/17 od 30.03.2017. godine i broj 02-05-1520-4,1/17 od 19.01.2017. godine.

- Sigurnosne mjere iz nadležnosti Uprave policije s ciljem osiguranja DKP-a, međunarodnih

organizacija, mjesta stanovanja ambasadora i drugih visokorangiranih dužnosnika međunarodne zajednice.

- Sigurnost šticećenih ličnost i objekata iz navedene kategorija.

Navedene aktivnosti treba da daju rezultate koji se ogledaju u :

- Održavanje nivoa, odnosno smanjenje ukupnog broja prekršaja po JRiM u 2017. godini.

- Smanjenju broja tuča, naročito ispred i u ugostiteljskim objektima, na otvorenom prostoru i u sredstvima javnog prijevoza.

- Smanjenju broja prekršaja - naročito drskog ponašanje preventivnim i represivnim mjerama.

Nosioci aktivnosti: Policijske uprave, Jedinica za specijalističku podršku,
Jedinica za podršku i Jedinica za saobraćaj

Rok: Stalan zadatak

Osiguranje javnih skupova i spriječavanje nasilnog i nedoličnog ponašanja - zadaci:

- Stalno unapređenje rada u cilju efikasnog osiguranja javnih okupljanja (štrajkovi, protesti i dr.)

- Jedinica za podršku će posvetiti pažnju i uložiti napore na unapređenju vlastitih resursa.

- Potrebno je istaći nekoliko javnih skupova koji po svom obimu, sadržaju, i značaju nose visok stepen rizika, gdje policijski službenici moraju iskazati svoj nesebičan doprinos i profesionalizam u obavljanju svojih poslova, tako da skupovi proteknu bez problema. Takvi skupovi su:

- Održavanje manifestacije " Sarajevo film festival",
- Odigravanje međunarodnih nogometnih utakmica na stadionu "Asim Ferhatović Hase",
- Odigravanje međunarodnih utakmica reprezentacija BiH (fudbal, rukomet, košarka),
- Vjerski skupovi,
- Obilježavanje stradanja žrtava Genocida u Srebrenici 11.07.2017. godine,
- Posjete raznih delegacija, gdje Uprava policije učestvuje u osiguranju.

- Koristeći ovlaštenja koja proističu iz Zakona o sprečavanju narušavanja JRiM-a, Zakona o javnom okupljanju, Zakona o sprečavanju nasilja i nedoličnog ponašanja na sportskim priredbama, Zakona o prekršajima FBiH, potrebno je preventivno i represivno djelovati prema organizatorima javnih okupljanja i priredbi, kako bi se povećala disciplina i odgovornost kod organizatora, a u cilju povećanja sigurnost učesnika, građana i imovine.

- Uprava policije MUP-a Kantona Sarajevo će, kao potpisnik "Strateškog operativnog plana za sprečavanje narušavanja javnog reda i mira u većem obimu na sportskim manifestacijama i drugim javnim skupovima visokog rizika na području Federacije BiH", svim svojim kapacitetima nastojati da se mjere iz navedenog plana u narednom periodu provode na području Kantona Sarajevo.

- Na području Kantona nalaze se tri stadiona na kojima se odigravaju utakmice Primijer lige BiH, kao i međunarodne utakmice i to: stadion "Asim Ferhatović Hase" - opština Centar, SRC "Grbavica" - opština Novo Sarajevo i stadion "Otoka" - opština Novi Grad Sarajevo.

- U proteklom periodu izvršena je inspekcija svih stadiona na kojima se odigravaju utakmice Premijer lige Bosne i Hercegovine i međunarodne utakmice u skladu sa bezbjedonosnim smjernicama FIFA-a, te je zaključeno da objekti u sigurnosnim aspektima ne zadovoljavaju sve propisane uslove predviđene smjernicama FIFA-e i drugim podzakonskim aktima koji regulišu ovu tematiku.

Generalno gledano zaključak je da je stanje sportskih objekata u Kantonu Sarajevo značajno povoljnije i bolje u odnosu na ostale sportske objekte u Bosni i Hercegovini. Posebno ističemo činjenicu da je dio stadiona "Grbavica", u fazi izgradnje južne tribine, što će po završetku radova povećati sigurnost prisutnih na ovom stadionu.

- U slučajevima štrajkova, protesta i drugih okupljanja radi iskazivanja nezadovoljstva građana, u suradnji sa ostalim policijskim agencijama u BiH, blagovremeno će se prikupljati informacije koje mogu poslužiti za što uspješnije osiguranje istih.

- Posebno će se vršiti provjere o mogućem dolasku građana i pojedinih organizacija u Sarajevo iz drugih dijelova Bosne i Hercegovine, radi organizovanja i učešća u protestima pred institucijama vlasti koje su smještene u Kantonu Sarajeva, broju istih, načinu njihovog dolaska - prevoza, pravcima kretanja, licima sklonim činjenju krivičnih djela i narušavanju javnog reda i mira, licima sklonim uživanju alkohola i narkotičkih sredstava, imena vođa puta, prevoznim sredstvima, nazive organizacija i podatke odgovornih lica istih koje organizuju dolazak, te sve druge bezbjedonosno interesantne informacije koje se mogu iskoristiti za pravilnu reakciju.

Osiguranje posebno određenih ličnosti i objekata Kantona

Policijski službenici Uprave policije Ministarstva unutrašnjih poslova Kantona Sarajevo će shodno svojim nadležnostima vršiti osiguranje ličnosti i objekata Kantona Sarajevo.

Osiguranje određenih ličnosti koje borave na području Kantona Sarajevo (VIP), kao i objekata koji nisu u nadležnosti Uprave policije će se obavljati u skladu sa članom 11. Zakona o Direkciji za koordinaciju policijskih tijela BiH, kojim je regulisano pružanje međusobne pomoći Direkciji od strane drugih policijskih agencija u Bosni i Hercegovini, kao i Memorandumima o međusobnoj saradnji i pružanju pomoći, a na osnovu donešenih planova i trenutne situacije na terenu.

Osim toga, osiguranje objekata i ličnosti koje je u nadležnosti Federalne uprave policije će se obavljati u skladu sa Zakonom o unutrašnjim poslovima FBiH i potpisanim Memorandumima o međusobnoj saradnji i pružanju pomoći, a na osnovu donešenih planova i trenutne situacije na terenu.

Pored navedenog policijski službenici Uprave policije će vršiti osiguranje osoba i objekata za koje je nadležni sud ili tužilaštvo donijelo naredbu kojom se naređuje stalno ili povremeno osiguranje.

U sklopu obaveza iz Zakona o unutrašnjim poslovima Kantona Sarajevo policijski službenici Uprave policije će vršiti osiguranje objekata i lica za koje je Vlada Kantona donijela Odluku o osiguranju.

Policijski službenici Uprave policije će vršiti stalno osiguranje zgrade u kojoj su smještene službe Kantona Sarajevo (Skupština i Vlada Kantona Sarajevo).

Vršit će stalno osiguranje objekata Ministarstva unutrašnjih poslova Kantona Sarajevo, a nadležni rukovodni radnici organizacionih jedinica Uprave policije će blagovremeno sačiniti i po potrebi ažurirati postojeće planove osiguranja. Planovi osiguranja trebaju biti jasni i precizni sa jasno opisanim poslovima i zadacima svakog policijskog službenika.

U cilju što kvalitetnijeg osiguranja svih objekata rukovodni radnici će sačiniti odgovarajuće planove koji će sadržavati opis zadataka svakog policijskog službenika, kako policajaca na osiguranju objekta u normalnim okolnostima, tako i postupanje svih policijskih službenika u slučajevima vanrednih okolnosti (slučajevi kriza izazvanih neredima i protestima, ili elementarnih nepogoda).

Odsjek za zadržavanje osoba lišenih slobode

- U Odsjeku se organizuje rad policijskih službenika na poslovima zadržavanja,
- obavljati će poslove vezane za zadržavanje osoba lišenih slobode,
- starati će se za punu ličnu i imovinsku zaštitu svakog građanina u vezi njegovog zadržavanja,
- voditi će računa o stanju prostorija za zadržavanje,
- voditi će se propisane evidencije, brinuti će se o sprovođenju zakona i drugih propisa u vršenju poslova i zadataka iz djelokruga rada Odsjeka.

Prostorije Odsjeka za zadržavanje osoba lišenih slobode su smještene u objektu Druge policijske uprave - Policijske stanice Novo Sarajevo i u slučaju opravdanih razloga (bolest, godišnji odmori i dr.) u isti se privremeno na ispomoć mogu rasporediti policijski službenici PS Novo Sarajevo.

Suzbijanje prosjačenja i nelegalne ulične prodaje

- Kampanja "Grad bez prosjaka", smanjiti stepen prosjačenja (prevencija, represija).
- Pronaći način i spriječiti nelegalne prodaje na improvizovanim prodajnim mjestima, na području svih policijskih uprava, koristeći odredbe Odluke o prekršajima protiv Javnog reda i mira, koje su usaglašene u svim opštinama u Kantonu, a kojima su predviđene sankcije za fizičko lice, odgovorno lice u pravnom licu, kao i za pravno lice, ukoliko se bave prodajom robe ili pružanja usluga na javnim površinama.
- Što se tiče zauzimanja javnih površina i nedozvoljene trgovine, u saradnji sa nadležnim inspekcijskim organima (Kantonalna inspekcija za urbanizam, građevinarstvo, komunalnu djelatnost i Tržišno - turistička inspekcija), raditi na sankcionisanju prekršioaca.

Tokom redovnih i vanrednih poslova i zadatak policijski službenici, ukoliko naiđu na pojavu kršenja Zakona o prekršajima protiv JRiM-a po ovom osnovu, sačinjavati će službenu zabilješku i dostavljati ih nadležnoj inspekcijskoj službi radi sankcionisanja učinilaca.

Praćenjem stanja po pitanju nelegalne prodaje roba i nelegalnog zauzimanja javne površine, obavještavati će se nadležne službe Kantona i Federacije BiH.

Nosioци aktivnosti: Policijske uprave, Jedinica za podršku, Jedinica za saobraćaj
Rok. Stalan zadatak

Aktivnosti koje će planirati Četvrta policijska uprava

- Preduzimanje preventivnih i represivnih mjera s ciljem sprečavanja vršenja vršenja prekršaja iz oblasti JRiM prilikom održavanja sportskih i drugih manifestacija na planinama Igman i Bjelašnica.
- Sigurno odvijanje aktivnosti i manifestacija na navedenim lokalitetima.
- Postupanje Jedinice specijalističku podršku i Jedinice za podršku u vezi sa definisanim prioritetima po problematici sprečavanja narušavanja JRiM-a.
- Jedinica za specijalističku podršku i Jedinica za podršku će biti angažovane na osnovu propisanih procedura kojima je regulisano angažovanje Jedinica s ciljem predupređenja odnosno sprečavanja narušavanja JRiM-a u većem obimu. Jedinica za specijalističku podršku je dužna, najmanje jednom u šest mjeseci, organizovati pokaznu vježbu pripadnika Jedinice, kroz koju će biti demonstrirana osposobljenost istih. Najmanje jedna od dvije pokazne vježbe treba biti izvršena u sadejstvu sa Jedinicom za podršku. Načelnik Sektora uniformisane policije je dužan pratiti kontinuirano provođenje obuke pripadnika Jedinice, između ostalog i iz oblasti sprečavanja narušavanja JRiM-a u većem obimu, kao i realizaciju pokaznih vježbi.

Zajedničke aktivnosti na stvaranju sigurnog ambijenta za boravak turista na području Kantona Sarajevo

- Na području Kantona Sarajevo, iz godine u godinu, boravi sve veći broj turista, koji posjećuju našu zemlju, odnosno Sarajevo kao njen glavni grad.
- Svojim položajem, infrastrukturom, kulturnim, vjerskim, historijskim, prirodnim i drugim znamenitostima, Kanton Sarajevo stranim i domaćim turistima omogućava različite sadržaje i mogućnosti da uživaju tokom boravka, a samim tim se kod turista stvara pozitivna slika našeg grada i Kantona kod ostalog dijela javnosti.
- Veoma bitan faktor, koji ostavlja veliki dojam kod turista, jeste i njihova sigurnost prilikom boravka u Sarajevu, te ljubaznost, ophođenje, profesionalizam i drugi lijepi maniri, odnosno nekorektnost, drskost, i druge negativne pojave, koje se mogu pojaviti kod osoblja koje pruža različite vrste usluga.
- Policijski službenici Uprave policije MUP-a Kantona Sarajevo su uvijek opredjeljeni ka pružanju usluga građanima, te zaštiti njihove lične i imovinske sigurnosti, te kao takvi moraju biti primjer pozitivnog djelovanja i stvaranja lijepe slike kod turista koji borave na području Kantona Sarajevo.
- Svojim djelovanjem, profesionalizmom, ljubaznošću, urednošću, korektnošću policijski službenici trebaju i moraju da prednjače u pružanju usluga turistima, odnosno pomoći u svim slučajevima kada je to potrebno i kada se to traži od nas. Naravno, tu se ne smije zaboraviti i činjenica da među stranim i domaćim turistima na području Kantona Sarajevo često boravi i određen broj posjetilaca koji su na određen način u sukobu sa Zakonom, odnosno tokom boravka u Sarajevu počine određene prekršaje ili krivična djela, pa se u tom smislu mora djelovati profesionalno i u skladu sa važećim Zakonima i Uputstvima.
- Uprava policije će u planiranom periodu preduzimati aktivnosti iz svoje nadležnosti, te u koordinaciji sa drugim institucijama provoditi aktivnosti na suzbijanju i otklanjanju svih nezakonitih radnji i negativnih pojava. Ovdje se misli na provođenje aktivnosti u smislu zajedničkog djelovanja sa inspekcijским službama i službama socijalnog rada, prilikom rada na sprečavanju nelegalne trgovine i prosjačenja.
- Prema protokolu o saradnji u prevenciji prosjačenja na području Kantona Sarajevo, Uprava policije, odnosno njene organizacione jedinice, u saradnji sa JU "Kantonalni Centar za socijalni rad" i općinskim službama za socijalni rad i njihovim odjeljenjima, će poduzimati potrebne aktivnosti na suzbijanju i prevenciji prosjačenja na području Kantona.
- U skladu sa navedenim protokolom, policijski službenici će poduzimati represivne mjere prema licima koja zateknu u prosjačenju, navođenju na prosjačenje, organizovanju prosjačenja, propuštanju dužne pažnje staranja o malodobnim licima, što je predviđeno odredbama Zakona o prekršajima protiv javnog reda i mira Kantona Sarajevo. U cilju što efikasnijeg spječavanja ove pojave, od strane OSCE-a BIH, bit će organizovana edukacija policijskih službenika na temu "Trgovina ljudima i prosjačenja".

Rad sa djecom je u nadležnosti službenika JU "Kantonalni centar za socijalni rad" i u slučajevima, da se u prosjačenju zateknu djeca sa područja Kantona Sarajevo, ista se smještaju u "Dječiji dom Bjelave", a za djecu iz drugih kantona organizuje se njihova

predaja nadležnim socijalnim ustanovama drugih kantona, što radi Centar za socijalni rad.

Nosioci aktivnosti: Policijske uprave, Jedinica za podršku, Jedinica za specijalističku podrku i Jedinica za saobraćaj

Rok. Stalan zadatak

3.3. Aktivnosti koje će se poduzeti za osiguranje uvjeta za normalno i sigurno odvijanje saobraćaja na putevima na području Kantona Sarajevo

Analiza stanja

Ukupan broj saobraćajnih nezgoda koje su se dogodile u prvih deset mjeseci 2016. godine povećan je za 0,5 % u odnosu na isti period u 2015. godini, odnosno za 5,5% u odnosu na isti period u 2014. godini.

Broj smrtno stradalih lica u saobraćajnim nezgodama u izvještajnom periodu 2016. godine u odnosu na 2015. godinu je veći za 5 lica ili 35,7%, odnosno isti je broj stradalih lica u odnosu na 2014. godinu. Ukupan broj povrijeđenih osoba je veći za 35 lica ili 3,5% u odnosu na 2015. godinu, odnosno veći je za 55 lica ili 5,6 % u odnosu na 2014. godinu.

Očito je, da je došlo do povećanja broja smrtno stradalih osoba u saobraćajnim nezgodama u 2016. godini u odnosu na 2015. godinu, dok je broj smrtno stradalih osoba u saobraćajnim nezgodama u odnosu na 2014.godinu isti. Došlo je i do povećanja broja teško povrijeđenih lica, u 2016. godini teže povrijeđeno je ukupno 169 a u 2015. godini 159, dok je u 2014. godini teže povrijeđeno 147 lica. Takođe je vidljivo da je veliki broj povrijeđenih osoba u saobraćajnim nezgodama, u 2016. godini povrijeđeno je 1041, što je za 35 osoba više u odnosu na izvještajni period 2015. godine, odnosno za 55 osoba više u odnosu na izvještajni period 2014. godine.

Uzimajući u obzir navedene podatke, kao i činjenicu da je tokom 2016. godine, vršena rekonstrukcija gradske zaobilaznice Magistralnog puta M-5, ul. Put Mladih Muslimana, kada je saobraćaj teretnih motornih vozila bio preusmjeren na glavnu gradsku saobraćajnicu, te vršena izgradnja kružnih tokova „Bačići” i „Buća Potok”, rekonstrukcija mosta „Briješće”, kao i izgradnja kružnog toka „Mojmilo” i „A” transverzale, što je za posljedicu imalo otežano i usporeno odvijanje saobraćaja, opšta ocjena stanja sigurnosti saobraćaja, izuzimajući pojedinačne događaje, bi se mogla okarakterisati kao relativno zadovoljavajuća.

Neophodno je u narednom periodu intenzivirati aktivnosti koje će biti usmjerene na odgovarajuće mjere i radnje, shodno važećim zakonskim propisima kojima se reguliše oblast saobraćaja, a sve s ciljem što boljeg i sigurnijeg odvijanja saobraćaja, kao i radi smanjenja broja saobraćajnih nezgoda sa najtežim posljedicama i daljeg smanjenja broja poginulih lica, čime bi se doprinijelo stabilizaciji i poboljšanju stanja u ovoj oblasti.

3.3.1. Preduzimanje mjera i radnji na smanjenju saobraćajnih nezgoda sa smrtnim posljedicama i povrijeđenim licima

- Povećanje javne svijesti o posljedicama saobraćajnih nezgoda po učesnike u saobraćaju.
- Aktivnosti redovnog i pojačanog provođenja akcija kontrole saobraćaja na dionicama puta na kojima se najčešće vrše prekršaji i događaju saobraćajne nezgode, sa akcentom na kontrolu višestrukih povratnika u vršenju prekršaja iz oblasti ZOOBS-a na putevima u BiH, kontrolu uličnih trkača, prekoračenja najveće dozvoljene brzine kretanja motornih vozila, upravljanja vozilom pod uticajem alkohola i narkotika, nedozvoljenih radnji sa vozilom u saobraćaju, kontrola pješaka učesnika u saobraćaju, kontrola motocikala, upravljanje vozilom prije sticanja prava na upravljanje motornim vozilom (bez položenog vozačkog ispita), upravljanje neregistrovanim motornim vozilom, kontrola tehničke ispravnosti motornih vozila sa posebnim osvrtom na kontrolu uređaja za odvodnju izduvnih gasova i stvaranja buke i dr.
- Smanjenje ukupnog broja saobraćajnih nezgoda, posebno onih sa najtežim posljedicama (smrtno stradalim i povrijeđenim licima).
- Efikasno saobraćajno osiguranje ispred predškolskih i školskih ustanova.
- Osiguranje povoljnijih uslova radi prevencije saobraćajnih nezgoda u blizini škola i predškolskih ustanova, te smanjenje rizika da djeca budu ugrožena u saobraćaju.
- Efikasno vršenje uviđaja saobraćajnih nezgoda.
- Blagovremen izlazak na lice mjesta događaja, efikasno i profesionalno vršenje uviđaja saobraćajnih nezgoda.
- Redovno provođenje aktivnosti kontrole kretanja pješaka.
- Smanjenje broja poginulih i povrijeđenih pješaka u saobraćaju na putevima u BiH.

3.3.2. Preduzimanje mjera i radnji na identifikaciji i sankcionisanju tzv. "trkača"

- Aktivnosti koje će, iz oblasti edukacije, prevencije i represije u saobraćaju, planirati sve policijske uprave i Jedinica za saobraćaj, a posebno shodno Zaključku Vlade Kantona Sarajevo, 02-05-12401-6/17 od 30.03.2017. godine, koji se odnosi na slijedeće:
 - da se pojačaju aktivnosti u smislu zaustavljanja problema pojave "trkača" sa motornim vozilima i motociklima koje su uočene na ulicama u Kantonu Sarajevo. U tom smislu Jedinica za saobraćaj će planirati preduzimanje mjera i radnji iz svoje nadležnosti te predvidjeti korištenje auto-patrola tzv. "presretača".
 - Podići standard saobraćajne zrelosti, jer će to olakšati napore i obezbjediti veću efikasnost mjera koje se preduzimaju u saobraćaju, što će pogodovati stvaranju ambijenta,

atmosfera, formi i načina koji će omogućiti da se u sistem reagovanja društva u većoj mjeri uključi porodica, predškolske ustanove, vladine i nevladine organizacije, udruženja koja su u vezi sa bezbjednošću saobraćaja, sredstava informisanja i slično.

- Prilagođavanje rasporeda službe i angažovanje policijskih službenika na osnovu zahtjeva koji proističu iz frekvencije saobraćaja, opterećenosti saobraćajnica i raskrsnica, vremenskih uslova i slično.

- Aktivnosti na povećanju osjetljivosti javnosti na problematiku bezbjednosti saobraćaja, koje podrazumjevaju pružanje više informacija javnosti o ovoj problematici i ponašanju institucija nadležnih za ovu oblast.

- U okviru projekta "Rad policije u zajednici", raznim oblicima društvenih aktivnosti kao što su organizovanje kampanje, predavanja, javne tribine, takmičenja i slično razvijati saobraćajnu kulturu.

- Povećanje javne svijesti o posljedicama saobraćajnih nezgoda po učesnike u saobraćaju.

3.3.3. Preduzimanje mjera i radnju na pružanju pomoći aktivnostima Ministarstva saobraćaja na suzbijanju pojava nelegalnih taxi prijevoznika;

- U saradnji sa Kantonalnom upravom za inspekcijske poslove, poduzimati mjere i radnje na kontroli taksi prevoza na području Kantona Sarajevo, te po zahtjevu i ukazanoj potrebi istim pružiti asistenciju.

- Spriječiti nelegalan rad taksi i drugih vrsta javnog prijevoza putnika u Kantonu.

3.3.4. Iznalaženje novih metoda u evidentiranju i dokazivanju prekršaja

Uprava policije će u toku 2017. godine preduzimati mjere na osavremenjavanju i iznalaženje novih metoda i načina evidentiranja i dokazivanja svih vrsta prekršaja u saobraćaju (postavljanjem novih video-kamera na saobraćajnicama, korištenje savremenih tehničkih dostignuća kontrole brzine kretanja motornih vozila i stepena utvrđivanja alkoholisanosti i dejstva opojnih droga kod vozača.

U cilju provođenja ostalih mjera na ostvarivanju normalnih uvjeta za odvijanje saobraćaja u Kantonu Sarajevo pored navedenih aktivnosti policijski službenici Jedinice za saobraćaj i Policijskih uprava će provoditi:

- Kontinuirane aktivnosti na sprečavanju nepropisnog parkiranja vozila i njihovo uklanjanje.

- Poboljšanje stanja mirujućeg saobraćaja na području Kantona Sarajevo.

- Vršnja osiguranja trase kretanja i mjesta zadržavanja VIP ličnosti i delegacija.

- Zadržati nivo sigurnosti posebno šticećenih ličnosti i delegacija koje gostuju u Kantonu, čije osiguranje je u nadležnosti Uprave policije MUP-a Kantona Sarajevo.

- U saradnji sa preduzećima za održavanje puteva obezbjediti će se prohodnost svih

saobraćajnica na području Kantona, te u zimskoj sezoni 2016/2017 i 2017/2018 provoditi aktivnosti pojačane kontrole posjedovanja propisane zimske opreme za motorna vozila.

- Omogućiti sigurno i nesmetano odvijanje saobraćaja na području Kantona.

3.4. Aktivnosti koje će se preduzeti u borbi protiv korupcije

- Poduzimanje mjera i aktivnosti planirane Strategijom borbe protiv korupcije u Upravi policije Ministarstva unutrašnjih poslova Kantona Sarajevo i Planom borbe protiv korupcije u Ministarstvu unutrašnjih poslova Kantona Sarajevo za period 2015-2019. godine, te akcionim Planom Vlade Kantona Sarajevo za borbu protiv korupcije za period 2015-2019. godina.

- Tokom 2017.godine policijski službenici Uprave policije će intenzivnije preduzimati mjere i radnje u skladu sa navedenom Strategijom i Planom, te u tom smislu još više razviti kapacitete u cilju izvršavanja zadataka iz istih.

- Pojačati će se nadzor nad rizičnim oblastima rada i službenicima kod kojih postoji rizik od korupcije.

- Intenzivnije prikupljati saznanja i operativna obavještenja o rizičnim radnim mjestima i eventualnim novim pojavnim oblicima korupcije.

- Ostvariti još bolju saradnju sa nadležnim tužilaštvima u cilju procesuiranja krivičnih djela iz oblasti korupcije.

- U toku 2017.godine Uprava policije Ministarstva unutrašnjih poslova Kantona Sarajevo će u cilju što efikasnije borbe protiv korupcije preduzeti odgovarajuće mjere na iznalaženju sredstava za uvođenje tehničkog monitoringa rada policijskih službenika ugradnja GPS uređaj na policijskim vozilima i video-nadzor - postavljanje prenosivih kamera kojima će se pratiti rad policijskog službenika na terenu.

3.5. Aktivnosti koje će se preduzeti u borbi protiv diskriminacije

- Opredjeljenost Uprave policije jeste kvalitetno, pravovremeno, profesionalno i zakonito pružanje usluga građanima i zaštita njihove lične i imovinske sigurnosti, kroz aktivno djelovanje u zajednici. Pružanje pomoći građanima i stvaranje međusobnog povjerenja se treba zasnivati na svakodnevnom pružanju pomoći savjetodavnim, edukativnim i drugim djelovanjem u zajednici bez obzira na pol, rasu, vjersku, seksualnu i drugu opredjeljenost.

- Razumijevanje koje policijski službenici imaju spram potreba građana su jedan od najbitnijih faktora u našem radu. Rukovodioci smjene u policijskim upravama će imati konkretna uputstva, da se na svaki poziv građana, radi intervencije, upućuju policijski službenici na teren bez obzira na vrstu zahtjeva građana i problem koji se pojavio na terenu.

- Rukovodioci sektora svakodnevnim djelovanjem na područjima mjesnih zajednica će ostvarivati kontakte sa građanima i institucijama u cilju buđenja svijesti kod građana, radi aktivnijeg odnosa istih u sprečavanju i otkrivanju prekršaja i krivičnih djela.

- Unutar organizacionih jedinica Uprave policije rukovodni radnici će preduzeti mjere da se obezbjedi ravnopravnost svih policijskih službenika, bez obzira na pol, rasu, vjersku, seksualnu i drugu opredijeljenost.

- U procesu evaluacije rada policijskih službenika rukovodni radnici će, objektivno i nepristrasno, ocjenjivati rad svakog policijskog službenika i vrednovati njegove rezultate na realnoj i zakonitoj osnovi. U skladu s tim rukovodni radnici će, na osnovu iskazanih afiniteta u obavljanju određenih poslova i zadataka, rasporedima službe predvidjeti da policijski službenici mogu iskazati svoje rezultate na onim poljima za koje imaju najviše afiniteta, odnosno na kojima mogu dati najbolje rezultate.

- Organizacione jedinice Uprave policije će, u cilju suzbijanja diskriminacije, ostvarivati stalne kontakte sa domaćim i međunarodnim nevladinim organizacijama za zaštitu ljudskih prava i sloboda, te u tom smislu preduzeti mjere iz svoje nadležnosti kako bi se saradnja sa ovim organizacijama podigla na jedan viši nivo.

3.6. Saradnja sa tužilaštvima i drugim agencijama za provođenje zakona

- U toku 2017.godine u skladu sa obavezama predviđenim zakonima u Bosni i Hercegovini, te potpisanim Memorandumima o saradnji Uprava policije će nivo saradnje sa tužilaštvima i drugim agencijama za provođenje zakona u Bosni i Hercegovini podići na viši nivo.

- Saradnja će se odvijati svakodnevno u smislu razmjene informacija, podataka kao i u pružanju međusobne pomoći u rješavanju svih sigurnosnih izazova.

- Preduzeti će se mjere da razmjene informacija budu blagovremene, tačne i dostupne svim onim koji će biti involirani u rješavanje određenog problema.

3.7. Zajedničke aktivnosti na stvaranju sigurnog ambijenta za boravak turista na području Kantona Sarajevo

- Na području Kantona Sarajevo iz godine, u godinu boravi sve veći broj turista, koji posjećuju našu zemlju, odnosno Sarajevo kao njen glavni grad.

- Svojim položajem, infrastrukturom, kulturnim, vjerskim, historijskim, prirodnim i drugim znamenitostima, Kanton Sarajevo stranim i domaćim turistima omogućava različite sadržaje i mogućnosti da uživaju tokom boravka, a samim tim se kod turista stvara pozitivna slika našeg grada i Kantona kod ostalog dijela javnosti.

- Veoma bitan faktor koji ostavlja veliki dojam kod turista jeste i njihova sigurnost prilikom boravka u Sarajevu, te ljubaznost, ophođenje, profesionalizam i drugi lijepi maniri, odnosno nekorektnost, drskost, i druge negativne pojave, koje se mogu pojaviti kod osoblja koje pruža različite vrste usluga.

- Policijski službenici Uprave policije MUP-a Kantona Sarajevo, su uvijek opredjeljeni ka pružanju usluga građanima, te zaštititi njihove lične i imovinske sigurnosti, te kao takvi moraju biti primjer pozitivnog djelovanja i stvaranja lijepe slike kod turista koji borave na

području Kantona Sarajevo.

- Svojim djelovanjem, profesionalizmom, ljubaznošću, urednošću, korektnošću policijski službenici trebaju i moraju da prednjače u pružanju usluga turistima, odnosno pomoći u svim slučajevima kada je to potrebno i kada se to traži od nas. Naravno tu se ne smije zaboraviti i činjenica da među stranim i domaćim turistima na području Kantona Sarajevo često boravi i određen broj posjetilaca koji su na određen način u sukobu sa Zakonom, odnosno tokom boravka u Sarajevu počine određene prekršaje ili krivična djela, pa se u tom smislu mora djelovati profesionalno i u skladu sa važećim Zakonima i Uputstvima.

- Uprava policije će u planiranom periodu preduzimati aktivnosti iz svoje nadležnosti, te u koordinaciji sa drugim institucijama provoditi aktivnosti na suzbijanju i otklanjanju svih nezakonitih radnji i negativnih pojava. Ovdje se misli na provođenje aktivnosti u smislu zajedničkog djelovanja sa inspekcijским službama i službama socijalnog rada, prilikom rada na sprečavanju nelegalne trgovine i prosjačenja.

- Prema protokolu o saradnji u prevenciji prosjačenja na području Kantona Sarajevo, Uprava policije, odnosno njene organizacione jedinice, u saradnji sa JU "Kantonalni Centar za Socijalni rad" i općinskim službama za socijalni rad i njihovim odjeljenjima, će poduzimati potrebne aktivnosti na suzbijanju i prevenciji prosjačenja na području Kantona.

- U skladu sa navedenim protokolom, policijski službenici će poduzimati represivne mjere prema licima koja zateknu u prosjačenju, navođenju na prosjačanje, organizovanju prosjačenja, propuštanju dužne pažnje staranja o malodobnim licima, što je predviđeno odredbama Zakona o prekršajima protiv javnog reda i mira Kantona Sarajevo. U cilju što efikasnijeg spječavanja ove pojave, od strane OSCE-a BIH, bit će organizovana edukacija policijskih službenika na temu "Trgovina ljudima i prosjačenja".

Rad sa djecom je u nadležnosti službenika JU "Kantonalni centar za socijalni rad" i u slučajevima, da se u prosjačenju zateknu djeca sa područja Kantona Sarajevo, ista se smještaju u "Dječiji dom Bjelave", a za djecu iz drugih kantona organizuje se njihova predaja nadležnim socijalnim ustanovama drugih kantona, što radi Centar za socijalni rad.

Nosioći aktivnosti: Policijske uprave, Jedinica za podršku, Jedinica za specijalističku podrku i Jedinica za saobraćaj

Rok. Stalan zadatak

IV . AKTIVNOSTI SEKTORA ZA PRAVNE, KADROVSKE, LOGISTIČKE POSLOVE, EDUKACIJU I ANALITIKU

Aktivnosti sektora realizovati će se kroz koordiniran rad odjeljenja.

4.1. Odjeljenje za pravne, kadrovske i logističke poslove

Pratiti će stanje kadrovske popunjenosti u Upravi policije i izvještavati policijskog komesara o slobodnim radnim mjestima, radi pokretanja postupka za za unapređenje u više činove i popune radnih mjesta.

Blagovremeno će postupati po zahtjevima uposlenika Uprave policije.

Ostvarivati će saradnju sa Agencijom za državnu službu FBiH i drugim organima.

Pratiti će funkcionalnost organizacije i sistematizacije Uprave policije i predlagati će mjere za njeno unapređenje.

Pratiti će rad organizacionih jedinica Uprave policije i predlagati mjere za unapređenje u oblasti kadrovskih i logističkih poslova.

Učestvovati će u izradi prednacrtu, nacrtu i prijedloga propisa i opštih akata iz djelokruga rada Uprave policije.

Postupati po po žalbama u drugostepenom upravnom postupku po pitanjima nabavljanja, držanja i nošenja oružja i municije.

Pratiti će propise iz oblasti radnih odnosa i davati upute i smjernice.

Pratiti će stanja disciplinskih postupaka i blagovremeno će dostavljati odluke Disciplinske komisije na evidentiranje i izvršavanje nadležnim službama u skladu sa Pravilnikom o disciplinskoj odgovornosti policijskih službenika MUP-a KS, u skladu sa odredbama Zakona o upravnom postupku prati konačnost, izvršnost i pravosnažnost rješenja i zaključka u disciplinskom postupku.

Voditi propisane evidencije o disciplinskim postupcima.

Brisati će izrečene disciplinske sankcije za lakše i teže povrede službene dužnosti.

Sarađivati će i koordinirati rad sa nadležnim disciplinskim organima za policijske službenike kao i za državne službenike i namještenike, te sa Agencijom za državnu službu FBiH za državne.

Pratiti će i primjenjivati propise u vezi sa statusnim pitanjima uposlenih u oblasti PIO.

Pružati će stručne pomoći uposlenicima Uprave policije i strankama iz oblasti penzijsko - invalidskog osiguranja, te statusnih, socijalnih, zdravstvenih i drugih pitanja.

Kompletirati će spisa predmeta koji se odnose na rješavanje naknada i drugih materijalnih prava zaposlenika, koji se odnose na naknade invalida II kategorije, naknade za slučaj smrti, teške bolesti ili invalidnosti, otpremnine za odlazak u penziju.

Kompletirati će spise predmeta za penzionisanje uposlenika Uprave policije.

Obavljati će poslove vezano za prijave nesreće na poslu i van posla.

Provoditi će postupak vezano za ocjene rada sposobnosti uposlenika Uprave policije.

Prikupljati će informacije, organizovati vođenje odgovarajućih evidencija i planirati personalne i logističke potrebe u cilju efikasnog i blagovremenog obavljanja poslova iz nadležnosti policijskog komesara, analizirati propise iz radnih odnosa koji se odnose na službenike Uprave policije, davati pravna tumačenja iz oblasti radno-pravnih odnosa, pripremati materijale iz oblasti statusnih pitanja službenika Uprave policije, sa prijedlozima za njihovo rješavanje, učestvovati će u izradi prednacrtu, nacrtu i prijedloga dijela budžeta koji se odnosi na Upravu policije, pripremati prijedlog potrebnih sredstava za djelovanje Uprave policije, predlagati nabavku naoružanja, municije, odjeće i druge opreme za potrebe Uprave policije, pratiti realizaciju svih programa opremanja koji se finansiraju iz dijela budžeta namijenog Upravi policije, sagledavati stanje tehničkog održavanja objekata, sredstava i opreme i osiguranja cjelokupne imovine Uprave policije, predlagati nabavku kancelarijskog potrošnog materijala i druge kancelarijske opreme, učestvovati u procesu ocjenjivanja uposlenika Uprave policije.

Formirati će i ažurirati evidencije na personalnom računaru, pripremati rješenja o prijemu i raspoređivanju na poslove i zadatke, premještanju, zvanjima i prestanku radnog odnosa u Upravi policije, o naknadama zbog odvojenog života od porodice, plaćama, nagradama, jednokratnoj pomoći za poginule, teže i lakše ranjene pripadnike Uprave policije, kao i druga rješenja koja se odnose na oblast radnih odnosa za službenike Uprave policije, vrši obradu i iskazivanje podataka o kadrovima, ustrojava i dopunjava poimenično evidencije razrađene po sistematizaciji poslova i zadataka, izrađuje preglede sistematizacijom predviđenih i popunjenih radnih mjesta, o stručnoj spremi službenika, starosnoj strukturi, nacionalnoj strukturi, stažu u organima unutrašnjih poslova i dr., sređuje pasivnu arhivu personalnih dosjea, izrađuje programe opremanja policijskih službenika obučom, odjećom

Obrađivati će razne statističke preglede o uposlenicima, ustrojavati će i dopunjavati poimenično evidencije razrađene po sistematizaciji poslova i zadataka, izrađivati razne preglede predviđene sistematizacijom (stručnoj spremi uposlenika, statusnoj strukturi, nacionalnoj strukturi, stažu u organima unutrašnjih poslova i dr.), sređivati pasivnu arhivu personalnih dosjea, voditi propisane evidencije iz oblasti rada i u njima evidentirati sve nastale promjene, voditi evidencije o prijavama i odjavama osiguranja na zdravstvenu zaštitu i PIO, sređivati i upotpunjavati personalna dosjea.

4.2. Odjeljenje za edukaciju

Provoditi će aktivnosti stručnog i fizičkog osposobljavanja i usavršavanja kroz permanentnu i specijalističku obuku, a koje obuhvataju teoretsku i praktičnu obuku.

Usavršavati će ranija stečena znanja, kao i sticanje novih znanja, sposobnosti i vještina, što bi rad policijskih službenika, državnih službenika i namještenika Uprave policije podiglo na viši i što profesionalnijl nivo.

4.3. Odjeljenje za analitiku, planiranje i evidencije

U 2017. godini izvršavati će poslove i zadatke iz oblasti analitičkog sagledavanja i evidentiranja svih aspekata bezbjedonosne situacije, o čemu će se izrađivati analitički i statistički materijali namjenjeni za interno i eksterno informisanje.

Svakodnevno će obavljati poslove i zadatke iz oblasti kaznene, operativne, prekršajne i MOS evidencije, kao i vođenje Centralnog krivičnog upisnika, u skladu sa važećim zakonskim i podzakonskim propisima, pri čemu će se paziti na ažuriranje navedenih evidencija u cilju njihove što veće funkcionalnosti.

Vršiti će izradu mjesečnih informacija o aktivnostima Uprave policije.

Mjesečne informacije o aktivnostima Uprave policije sadržavati će sigurnosni aspekt (stanje kriminaliteta, javnog reda i mira i saobraćaja), kao i ostale aktivnosti.

Rok za izradu mjesečnih informacija je do 15. u tekućem mjesecu za prethodni mjesec i ista će biti dostavljena Federalnoj upravi policije, ministru, sekretaru, policijskom komesaru i organizacionim jedinicama Uprave policije MUP-a KS.

Vršiti će izradu periodičnih informacija o aktivnostima Uprave policije MUP-a Kantona Sarajevo (Januar - Mart, Januar – Juni, Januar - Septembar, Januar Decembar) u toku 2017. godine, a po potrebi i druge.

Periodične informacije o aktivnostima Uprave policije sadržavati će sigurnosni aspekt (stanje kriminaliteta, javnog reda i mira i saobraćaja), kao i ostale aktivnosti.

Rok za izradu periodičnih informacija je do 20. u tekućem mjesecu za prethodni period i ista će biti dostavljena Federalnoj upravi policije, ministru, sekretaru, policijskom komesaru i organizacionim jedinicama Uprave policije MUP-a KS.

Izrađivati će analitičke materijale (analize, preglede i dr.) o događajima i pojavama koji će proizlaziti iz aktuelne bezbjednosne situacije.

Vršiti će popunjavanje i obradu mjesečnih i periodičnih statističkih obrazaca.

Postupati po zahtjevima sudova, tužilaštava, policijskih agencija i građana.

Postupati po zahtjevima za pružanje međunarodne pravne pomoći u krivičnim stvarima.

Učestvuje u izradi Izvještaja o radu MUP-a Kantona Sarajevo za 2017. godinu.

Nosilac izrade: MUP Kantona Sarajevo.

Naziv: Izvještaj o radu Uprave policije MUP-a Kantona Sarajevo za 2017. godinu.

Pravni osnov: Odluka o metodologiji izrade i donošenja Programa rada Vlade Kantona Sarajevo i kantonalnih organa i Izvještaja o radu kantonalnih organa.

Rok za izradu: Januar 2018. godine.

Organi koji će razmatrati materijal: Vlada i Skupština Kantona Sarajevo.

- NORMATIVNI DIO

Uprava policije će učestvovati u izradi nacrtu zakona i drugih propisa iz nadležnosti unutrašnjih poslova Kantona Sarajevo, a koje se posebno odnose na donošenje sljedećih propisa:

1. Zakon o policijskim službenicima Kantona Sarajevo i podzakonski propisi vezano za navedeni zakon;
2. Zakon o plaćama i naknadama policijskih službenika Kantona Sarajevo i podzakonski propisi vezano za navedeni zakon;
3. Zakon o izmjenama i dopunama Zakona o nabavljanju, držanju i noženju oružja i municije Kantona Sarajevo i podzakonski propisi vezano za navedeni zakon;
4. Zakon o izmjenama i dopunama Zakona o javnom okupljanju Kantona Sarajevo.

- KAPITALNI PROJEKTI

Stvaranje uslova za uvođenje novih savremenih sredstava u rad policije i jačanje materijalno tehničke opremljenosti policije.

Odmah po usvajanju Budžeta Kantona Sarajevo za 2017. godinu, u skladu sa budžetom koji bude dodijeljen Upravi policije, blagovremeno pripremiti Plan nabavke, sa pregledom prioriternih projekata nabavke opreme, koja će omogućiti uvođenje savremenih sredstava u radu policije i jačanje tehničke opremljenosti policije. Shodno utvrđenim prioriternim projektima pripremiti zahtjeve za nabavku i blagovremeno dostavljati službi nadležnoj za realizaciju nabavki.

Nakon što Ministarstvo finansija Kantona Sarajevo dostavi Budžetsku instrukciju broj 1. za izradu Dokumenta okvirnog budžeta Kantona Sarajevo za period 2018.-2020.godina, pripremiti prijedloga DOB-a Uprave policije za period 2018.-2020. godina, sa projekcijom troškova Uprave policije za narednu godinu i okvirne ukupne iznose za navedene dvije godine.

Blagovremeno pripremiti budžetske zahtjeve za finansiranje izdataka Uprave policije u 2018. godini, u skladu sa rokovima i smjericama utvrđenim budžetskom instrukcijom broj 2., Ministarstva finansija Kantona Sarajevo, a na osnovu iskazanih i obrazloženih potreba i dostavljenih projekata organizacionih jedinica Uprave policije, koji za cilj imaju stvaranje boljih materijalno tehničkih predpostavki za uspješno obavljanje poslova i zadataka iz domena Uprave policije.

V. ODNOSI S JAVNOŠĆU

5.1. Odjeljenje za odnose s javnošću

- Uprava policije će putem Odjeljenja za odnose s javnošću, tokom 2017.godine, vršiti blagovremeno informisanje javnosti vezano za aktivnosti Uprave policije MUP-a Kantona Sarajevo, organizovati konferencije za štampu, intervju i razgovore ministra, policijskog komesara i drugih službenika, ažurirati web stranicu Ministarstva.

- Putem zvanične web stranice Ministarstva unutrašnjih poslova Kantona Sarajevo, svakodnevno će izvještavati o aktivnostima Uprave policije MUP-a Kantona Sarajevo, objavljivanjem dnevnih vijesti i drugih informacija na web stranici,
- Sačinjavati će se posebna saopštenja za javnost u vezi sa događajima i aktivnostima Uprave policije.
- Povodom značajnijih događaja važnih za javnost, održavati će se press konferencije, sa ciljem potpunijeg prezentiranja aktivnosti iz nadležnosti Uprave policije MUP-a Kantona Sarajevo.
- Organizovati će se tromjesečne, polugodišnje, devetomjesečne i godišnje izvještajne press konferencije o aktivnostima i rezultatima rada Uprave policije MUP-a Kantona Sarajevo.
- U saradnji sa drugim organizacionim jedinicama Uprave policije provodit će se aktivnosti javnih kampanja iz oblasti prevencije u saobraćaju i svih drugih oblika kriminaliteta.
- U saradnji sa organizacionim jedinicama Uprave policije, drugim institucijama vlasti, kao i nevladinim organizacijama, organizovat će edukativne sadržaje za određene skupine lica.
- Odjeljenje će učestvovati u aktivnostima drugih organizacionih jedinica Uprave policije, te aktivnostima koje provode institucije vlasti i nevladine organizacije u okviru projekta "Rad policije sa zajednicom".
- Sačinjavati će projekte bitne za rad Uprave policije i Ministarstva, s ciljem apliciranja kod vladinih, međunarodnih i nevladinih organizacija za pomoć u realizaciji istih.
- Odjeljenje će uzeti učešće u edukaciji policijskih službenika u sferi odnosa sa javnošću.

5.2. OPERATIVNO - KOMUNIKACIJSKI CENTAR

Operativno dežurstvo

Imajući u vidu činjenicu da se najveći broj kontakata sa građanima i javnim mnjenjem obavlja putem broja "122" koji je smješten u Operativno-komunikacijskom centru MUP-a Kantona Sarajevo, može se smatrati da je operativno dežurstvo jedna o bitnijih organizacionih jedinica Uprave policije u procesu odnosa s javnošću.

- Operativno dežurstvo će u 2017. godini, obavljati poslove u skladu sa Zakonom, Pravilnikom o radu, Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo" broj: 29/12) i Godišnji planom Uprave policije MUP- Kantona Sarajevo za 2017. godinu. Operativno dežurstvo će izvršavati poslove i zadatke praćenja i prikupljanja informacija o stanju sigurnosti na području Kantona Sarajevo u skladu sa nadležnostima Uprave policije.
- Vršiti će svakodnevno analiziranje određenih događaja i blagovremeno izvještavati o svim sigurnosno bitnim događajima, predlagati potrebne mjere s ciljem da se neposrednom starješini omoguće preduslovi za blagovremeno donošenja odluka,

koordinirati i pratiti aktivnosti na osiguranju zgrade sjedišta MUP Kantona Sarajevo.

- Operativno dežurstvo koje radi u skladu sa odredbama Uputstva o radu Operativnog dežurstva u Ministarstvu unutrašnjih poslova Kantona Sarajevo i u narednoj godini, će vršiti slijedeće poslove i zadatke:
- pratiti i prikupljati informacije o stanju sigurnosti na području Kantona Sarajevo,
- analizirati i blagovremeno izvještavati, po linijama rada, o svim sigurnosno relevantnim događajima,
- primati, procjenjivati i selektirati informacije i prijave građana, organizovati postupanje po njima i zahtijevati povratnu informaciju o izvršenom zadatku,
- pratiti i usmjeravati rad službi za odnose sa javnošću u organizacionim jedinicama Uprave policije,
- učestvovati u predlaganju mjera i aktivnosti za rješavanje određenih sigurnosnih događaja koji se odnose na javni red i mir, kriminalitet, sigurnost saobraćaja i druge poslove, te određivati konkretne zadatke u vezi sa rješavanjem ovih događaja i pojava,
- formirati komisiju i organizovati vršenje uviđaja u određenim slučajevima,
- u slučajevima kada drugi organi traže da smjeste lica lišena slobode u prostorije Odsjeka za zadržavanje lica lišenih slobode u Ministarstvu unutrašnjih poslova Kantona Sarajevo, obavještavati policijskog komesara i tražiti njegovu saglasnost za smještaj u prostorije,
- nadzirati rad vozača i koordinirati i pratiti rad policijskih službenika koji se nalaze u sastavu Operativnog dežurstva i koji su zaduženi za osiguranje sjedišta Ministarstva, te nadzirati sistem osiguranja objekta sjedišta Ministarstva.

5.3. Odjeljenje za kriptozastitu

Odjeljenje za kriptozastitu kao posebna organizaciona jedinica Uprave policije ima zadatak jednim dijelom da putem centrale zaprima informacije i pruža usluge građanima na ostvarivanju kontaktata sa određenim službama te kao takva ima veliki značaj u funkcionisanju Ministarstva i stvaranju pozitivne slike u javnosti. Pored navedenih zadataka komunikacije sa građanima koja mora biti na visoko profesionalnom nivou namještenici Odjeljenja za kriptozastitu će obavljati niže navedene poslove i zadatke:

- Odjeljenje za kriptozastitu funkcioniše u okviru jedinstvenog sistema veze Federalne uprave policije. Ono se sastoji od 11 (jedanaest) stanica kriptozastite i veze (KZV) i jedne Stanice kriptozastite i veza u sjedištu Ministarstva, u okviru kojih se osigurava neprekidno dežurstvo, kako na poslovima prenosa depeša, tako i na komandno-kontrolnim stolovima za radio i telefonske veze.
- U hijerarhiji poslova ovog Odjeljenja na prvom mjestu, kao najvažniji zadatak, je siguran i efikasan prenos (prijem, predaja, tranzitiranje) elektronski obrađenih akata-depeša putem pouzdanih mreža (SDH mreža), telefonska-modemska mreža, paket ili UKT radio veza na

mjestima gdje one postoje, odnosno putem fax-a gdje ne postoje gore navedene mreže. Periodično se, a prema zahtjevima Federalnog Ministarstva unutrašnjih poslova, vrši kompletna zamjena dokumenata za rad u svim Stanicama kriptozastite.

- Sljedeći segment poslova iz djelokruga poslova i zadataka Odjeljenja za kriptozastitu je održavanje 24-satne komunikacije putem radio - veze, te prema potrebi i učestvovanje u istoj. Putem radio veze namještenici su učestvovali u obezbjeđenju potrebne komunikacije sa policijskim službenicima na terenu, a u cilju efikasnog obavljanja njihovih poslova. Pored ovoga u stanicama KZV van sjedišta obavljaju se poslovi zaduživanja - razduživanja radio stanica, baterija za radio-stanice i održavanje opreme.

- Naredni segment poslova i zadataka Odjeljenja je kontakt sa građanima, te u tom smislu putem telefonske centrale povezivanje građana u vezi njihovih zahtjeva sa odgovarajućim službenicima ovog Ministarstva.

- U dijelu poslova koji se odnosi na sistem depešnog saobraćaja, planirano je da u 2017.godini Odjeljenje za kriptozastitu nastavi sa sigurnim i efikasnim prenosnim poruka putem depešnog saobraćaja. Također, raditi će se na unaprijeđenju sigurnosti, efikasnosti i ekonomičnosti u prenosu depeša putem sigurnih mreža, te njihove distribucije do organizacionih jedinica. U okviru jedinstvenog sistema veza Federalne uprave policije, FbiH, u cilju unapređenja iz oblasti kriptozastite, planirano je osavremenjavanje software-a za kriptovanje, kao i realizaciju nabavke servera, kako bi se rasteretio postojeći mail server u FMUP-a. Također, planirano je, u skladu sa finansijskom situacijom, raditi na nabavci nove opreme, kako u Stanici KZV u sjedištu, tako i u stanicama KZV van sjedišta.

- U dijelu poslova koji se odnose na rad sa radio vezom planirano je, u pogledu radio-veze, osavremenjavanje sistema radio-veze, te obuka namještenika na istim, kako bi se komunikacija putem radio-veze podigla na jedan savremen, kvalitetan i pouzdan nivo.

VI DJELOVANJE POSEBNO OBUČENIH I SPECIJALIZIRANIH ORGANIZACIONIH JEDINICA

6.1. Jedinica za specijalističku podršku i Jedinica za podršku

- U 2017. godini Jedinica za specijalističku podršku i Jedinica za podršku (u daljem tekstu Jedinice) će polazeći od sigurnosne situacije na području Kantona i šire, u okviru svog zakonskog djelokruga rada i nadležnosti, poduzimati sve aktivnosti koje su predviđene Godišnjim planom i opisane u izjavi o misiji policije u Kantonu Sarajevo.

Aktivnosti Jedinica biti će zasnovane na profesionalnosti, isključivo u skladu sa zakonskim i podzakonskim propisima, s ciljem osiguranja lične i imovinske sigurnosti građana Kantona i drugih lica koja žive ili borave u Kantonu, očuvanja i sprečavanja narušavanja JRiM-a u većem obimu.

Na osnovu propisanih procedura kojima je regulisano angažovanje Jedinica, u cilju pružanja pomoći pri otkrivanju i rasvjetljavanju teških krivičnih djela, naročito onih u kojima bi pripadnici Jedinice mogli dati najveći doprinos.

Prioritetne aktivnosti će biti usmjerena ka sljedećem:

1. Krivična djela ubistva, upotreba eksplozivnih sredstava i vatrenog oružja,
2. Krivična djela terorizma,
3. Krivična djela ubistva,
3. Krivična djela silovanja,
4. Krivična djela iz oblasti trgovine ljudima,
5. Krivična djela razbojništva (teži oblici), posebno kada je korišteno vatreno oružje,
6. Teške krađe vozila i iznude,
7. Teške krađe u zatvorene objekte (stanovi, kuće, poslovni prostori, vozila i dr.),
9. Napadi na vjerske objekte i službenike, groblja, povratnike,
10. Zloupotreba opojnih droga,
11. Prekršaji iz oblasti JRiM-a, čija će prevencija, sprečavanje i rasvjetljavanje biti predmet planiranja svih PU i Jedinici za podršku,
12. Aktivnosti s ciljem prevencije problematike iz oblasti JRiM-a,
13. Sigurnosne mjere s ciljem osiguranja DKP-a i međunarodnih organizacija.

Jedinice će, prilikom vršenja redovnih poslova i zadataka, vršiti sprečavanje, otkrivanje i hvatanje izvršilaca djela iz navedenih tačaka, vršiti prikupljanje informacija i podataka, te ih blagovremeno dostavljati nadležnim organizacionim jedinicama Uprve policije, radi preduzimanja mjera i radnji, u cilju sprečavanja izvršenja, te otkrivanja i hvatanja izvršilaca. Jedinica će u svakom momentu uz punu mobilnost raspoloživih resursa pružiti podršku svim organizacionim jedinicama Uprave policije i drugih policijskih agencija kada to budu traženo, uz potrebne saglasnosti.

Postupanje Jedinica u vezi sa definisanim prioritetima po problematici spriječavanja narušavanja JRiM-a

Jedinice će prilikom vršenja redovnih poslova i zadataka prikupljati informacije vezane za problematiku JRiM-a, te ih blagovremeno dostavljati nadležnim organizacionim jedinicama radi planiranja i preduzimanja mjera u cilju sprečavanja narušavanja JRiM-a i blagovremenog intervenisanja kod narušenog JRiM-a u većem obimu. Kod osiguranja javnih skupova, posebno sportskih i drugih manifestacija, pružati će pomoć organizacionim jedinicama Uprave, sa svojim raspoloživim resursima, uz predviđene procedure. Posebnu pažnju posvetiti će pripremi službenika policije za izvršavanje zadatka sa razradom konkretnih zadataka za svakog pojedinca, kao i analizom izvršenog.

Planirati će se pokazna vježba Jedinica na temu "Sprečavanje narušavanja JRIM-a u većem obimu", s ciljem pokazivanja nivoa obučenosti i provjere stepena obučenosti.

Prilikom intervenisanja kod narušenog javnog reda i mira, posebno u većem obimu, ako se na drugi način narušeni javni red i mir ne može uspostaviti, primjeniti će se sila, vodeći računa o zakonitosti. Kod svakog slučaja primjene sile, ispitati će se opravdanost i u zavisnosti od rezultata poduzeti će se odgovarajuće aktivnosti.

U skladu sa planovima osiguranja sportskih manifestacija od reprezentativnog značaja za BiH, kao i sportskih manifestacija visokog rizika, sa planiranim brojem policijskih službenika Jedinice će učestvovati u osiguranju istih uz obavezu da prilikom izrade planova osiguranja učestvuju i predstavnici Jedinice za specijalističku podršku i Jedinice za podršku.

Vršenje osiguranja trase kretanja i mjesta zadržavanja VIP ličnosti i delegacija koje se posebno štite

Jedinice će postupati po planskim aktivnostima osiguranja trasa kretanja i mjesta zadržavanja VIP ličnosti i delegacija koje se posebno štite, vršit će prikupljanje interesantnih informacija i podataka te ih blagovremeno dostavljati nadležnim organizacionim jedinicama radi poduzimanja aktivnosti u cilju sprečavanja i blagovremenog intervenisanja u slučaju ugrožavanja sigurnosti VIP ličnosti i delegacija koje se posebno štite.

Sigurnosne mjere s ciljem osiguranja DKP-a i međunarodnih organizacija

Jedinice će prilikom vršenja poslova i zadataka, vršiti prikupljanje informacija i podataka u vezi sa ugrožavanjem sigurnosti DKP-a i međunarodnih organizacija, te ih blagovremeno dostavljati nadležnim organizacionim jedinicama Uprave policije MUP-a Kantona Sarajevo, radi planiranja i preduzimanja aktivnosti u cilju sprečavanja, otkrivanja i hvatanja napadača. Jedinica za podršku će, sa raspoloživim resursima, dati punu podršku svim organizacionim jedinicama Uprave policije, kada to zatraže, uz predviđenu proceduru.

Obuka policijskih službenika

Realizacija programa stručnog osposobljavanja i usavršavanja policijskih službenika Jedinica za 2017.godinu, ostvarit će se kroz sljedeće tematske cjeline:

- a) Osnovna policijska obuka kroz razne vidove predavanja,
- b) Posebna policijska obuka (specijalistička obuka),
- c) Fizička obuka (opšte - fizička i specijalna fizička obuka),
- d) Pedagoško-psihološko i andragoško-didaktičko osposobljavanje službenika.

Operativnim planom propisati će se: tematske cjeline, broj sati koji je predviđen za obradu tematske cjeline koja se izvodi, organizacija izvođenja obuke, dužnosti rukovodnih radnika i instruktora u vršenju obuke, provjera znanja i ocjenjivanje.

Sadržaj nastave zasniva se na zakonskim i podzakonskim propisima koji regulišu položaj, nadležnost, organizaciju i poslove policijskih službenika MUP-a Kantona Sarajevo.

U cilju što kvalitetnijeg i efikasnijeg izvođenja obuke policijskih službenika Jedinice, planira se angažovanje eksternih instruktora - predavača za stručnu pomoć u organizaciji i unapređenju rada policije na poslovima i zadacima iz oblasti sigurnosti.

Nosilac aktivnosti: komandir Jedinice za specijalističku podršku i komandir Jedinice za podršku

Rok: Stalan zadatak

6.2. Odjeljenje za kriminalističku tehniku, forenziku i KDZ

Odjeljenje za kriminalističku tehniku, forenziku i kontradiverzionu zaštitu će tokom 2017. godine postupati u skladu sa važećim pravilnicima, uputstvima i instrukcijama.

U svom radu će primjenjivati najsavremenija dostignuća tehnike sa kojom raspolažu, a sve u cilju blagovremenog i zakonitog dokumentovanja krivičnih djela i prikupljanja dokaza koji će koristiti u krivičnom postupku.

Pružati će pomoć drugim agencijama za provođenje zakona prilikom izvršenja zadataka iz njihove nadležnosti a u skladu sa naredbama tužilaštava u Bosni i Hercegovini i potpisanim Memorandumima o razumjevanju.

Također će, koristeći stručna znanja i naučno-tehnička dostignuća, pružati pomoć ostalim organizacionim jedinicama prilikom osiguranja javnih skupova, te prikupljati i dokumentovati sve događaje i saznanja vezano za održavanje istih, a naročito u slučajevima eventualnih nasilnih protesta ili nereda na sportskim terenima i drugim manifestacijama u cilju identifikacije lica koja svojim ponašanjem i djelovanjem narušavaju javni red i mir i ugrožavaju ličnu i imovinsku sigurnost građana kao i objekata koji se štite.

Kontinuirano će raditi na stručnom usavršavanju i prikupljanju saznanja o novim dostignućima u tehnici i nauci, te redovno predlagati nabavku i korištenje nove opreme koja može poslužiti za što uspješnije i kvalitetnije izvršavanje zadataka iz njihove nadležnosti.

VII INSPEKCIJE I NADZOR

Odjeljenje za inspekciju, koordinaciju i usmjeravanje

U cilju osiguranja zakonitog, jedinstvenog i efikasnog izvršenja poslova i zadataka i preventivnog djelovanja, a radi podsticanja unutrašnje discipline u izvršavanju zakonima i drugim propisima utvrđenih zadataka Uprava policije i njenih organizacionih jedinica, Odjeljenje za inspekciju, koordinaciju i usmjeravanje u okviru svojih zakonskih i drugih nadležnosti u 2017. godini, vršit će:

- Inspekcijski nadzor svih organizacionih jedinica iz sastava Uprave policije.
- Instruktivnu inspekciju kojom se ima za cilj izvršiti uvid u stanje odvijanja radnog procesa i pružanje stručne pomoći.
- Selektivni inspekcijski pregled kojim se ima za cilj otkriti slabosti i nezakonito postupanje službenika u izvršavanju poslova i zadataka, kao i propuštanje obaveznog praćenja i usmjeravanja procesa rada od strane nadležnih rukovodioca.
- Inspekciju rada na terenu za vrijeme službe kojom se ima za cilj vršiti provjere obavljanja poslova i zadanih zadataka policijskih službenika na terenu u skladu sa načelima operativnog rada i nalogom za službu.
- Redovnu kontrolu – nadzor.
- Vanrednu kontrolu i inspekciju.

Redovna inspekcija

- Inspektori odjeljenja, u toku 2017. godine, vršiti će jednom, a po potrebi dva puta redovne inspekcije službi u okviru Uprave policije Ministarstva, u skladu sa važećim propisima, a na osnovu naloga policijskog komesara.

U roku od 24 sata od izvršenog inspekcijskog nadzora, a po potrebi i odmah, inspektori Odjeljenja sačinjavati će izvještaje o utvrđenom stanju, sa prijedlogom mjera za otklanjanje nedostataka i poboljšanja stanja

Vanredna inspekcija

Odjeljenje za inspekciju, koordinaciju i usmjeravanje će, u kontinuitetu i po potrebi, vršiti vanrednu inspekciju tokom kalendarske 2017. godine, kako slijedi:

- Najmanje jednom u toku jedne sedmice, izvršiti će kontrolu nad radom policijskih službenika na terenu, na osnovu naloga policijskog komesara. Inspektori Odjeljenja, nakon izvršene kontrolne djelatnosti će sačiniti izvještaj o uočenim nepravilnostima kod policijskih službenika. Izvještaje o utvrđenom stanju dostaviti će Uredu policijskog komesara i Sektoru uniformisane policije, u roku od 24 sata po izvršenoj kontroli, a po potrebi odmah.

- Inspektori Odjeljenja će u toku 2017. godine pratiti stanje zaštite života, lične i imovinske sigurnosti građana, javnog reda i mira i saobraćaja, te vršiti analizu ostvarenih rezultata, sačiniti prikaze stanja sigurnosti za svaku oblast posebno, uporedo sa prethodnom godinom i predlagati mjere za poboljšanje opšteg stanja sigurnosti u navedenim oblastima.

- Tokom 2017. godine inspektori Odjeljenja učestvovati će u planiranju i neposrednoj realizaciji mjera i aktivnosti u vezi vanrednih i posebnih osiguranja ličnosti javnih skupova, sportskih i kulturnih manifestacija i sl., te nakon toga sačiniti izvještaj o uočenim nedostacima i eventualnim propustima sa prijedlogom za otklanjanje istih.

- Inspektori Odjeljenja pružati će stručnu pomoć policijskim upravama i drugim organizacionim jedinicama Uprave policije u vršenju poslova iz njihovog djelokruga, te pratiti i usmjeravati međusobnu saradnju istih.

- U toku 2017. godine, inspektori Odjeljenje učestvovati će u pripremi programa stručnog osposobljavanja i usavršavanja policijskih službenika, prema terminu koji se utvrdi Programom Obuke policijskih službenika za 2017. godinu.

- Prilikom redovne inspekcije u 2017. godini, inspektori Odjeljenja će u organizacionim jedinicama Uprave policije vršiti inspekcijski nadzor sljedećih segmenata:

- Nedostaci i eventualne nepravilnosti uočene prethodnom inspekcijom i poduzete mjere po istim;
- Kadrovska popunjenost org. jedinica za i rješenja o rasporedu na poslove i zadatke;
- Materijalno-tehnička opremljenost, upotreba, čuvanje i održavanje MTS-a i opreme;
- Planiranje i izvještavanje: mjesečno, periodično, planovi po akcijama i dr.;
- Uvid u unutrašnju raspodjelu i izvršavanje poslova i zadataka;
- Uvid u popisane evidencije;

- Upotreba sile (broj, pravilnost i opravdanost upotrebe, evidencije);
- Napadi na policijske službenike (broj napada i napadača, posljedice, preduzete mjere, evidencije i dr.);
- Stanje unutrašnjeg reda, discipline i međusobnih odnosa;
- Broj postupaka za utvrđivanje disciplinske odgovornosti, razlozi i njihov ishod;
- Pritužbe i predstavke na rad i ponašanje policijskih službenika (broj, razlozi, osnovanost i postupanje po predstavkama, ishod);
- Provođenje i poštivanje politike naoružanja;
- Izvještavanje, bilteni, informacije, analize, statistički izvještaji i drugo.

Raspored rada i sastav timova inspektora iz Odjeljenja, koji budu provodili inspekciju i vršili nadzor nad radom policijskih službenika na terenu, određivat će Načelnik Odjeljenja za inspekciju, koordinaciju i usmjeravanje, uz saglasnost sa načelnikom Sektora uniformisane policije. O svakom pojedinačnom inspeksijskom nadzoru, sačinjavat će se konkretni planovi inspekcije i konkretizovati vremena, a nadzor će se vršiti u skladu sa Instrukcijom o vršenju inspeksijskog nadzora Uprave policije MUP-a Kantona Sarajevo.

VIII PROFESIONALNI STANDARDI

Odjeljenje za unutrašnju kontrolu

- Vođenje temeljitih i nepristrasnih istraga povodom predstavki vezanih za nezakonito, nepravilno i neprofesionalno postupanje službenika, provođenje unutrašnjih istraga u slučajevima kada postoji osnovana sumnja da je učinjena povreda službene dužnosti službenika, iniciranje postupaka za utvrđivanje disciplinske odgovornosti i zaštita ljudskog dostojanstva i ljudskih prava građana.
- Poduzimanje mjera i aktivnosti planirane Strategijom borbe protiv korupcije u Upravi policije MUP-a Kantona Sarajevo i Planom borbe protiv korupcije u Ministarstvu unutrašnjih poslova Kantona Sarajevo, za period 2015-2019. godine, te akcionim Planom Vlade kantona Sarajevo za borbu protiv korupcije za period 2015-2019. godina.
- Potpuna saradnja sa svim organizacionim jedinicama Ministarstva, disciplinskim tijelima, tužilaštvima, Biroom za pritužbe javnosti u MUP-u Kantona Sarajevo i dr.
- Praćenje dosljednog pridržavanja i provođenja važećih zakonskih propisa a posebno Zakona o policijskim službenicima Kantona Sarajevo i Zakona o unutrašnjim poslovima Kantona Sarajevo, te važeće podzakonske regulative i akata relevantnih za rad Odjeljenja za unutrašnju kontrolu.

Odjeljenje za razvoj načela i zaštitu tajnih podataka

- U kontinuitetu će se pratiti primjena važećih propisa, inicirati i sačinjavati prijedlozi izmjena i dopuna zakonskih i podzakonskih akata, te policijskih načela i procedura Uprave policije i Ministarstva.

- Redovno će se raditi na sačinjavanju izvještaja, informacija i analiza, davanju stručnih mišljenja i prijedloga za konkretnu problematiku, a u saradnji sa organizacionim jedinicama koordiniraće se aktivnosti na prikupljanju inicijativa, primjedbi, prijedloga i sugestija za iniciranje i iznalaženje najboljih rješenja koja će rad Uprave policije i Ministarstva u cjelini podići na viši nivo. Koordinirat će se aktivnosti sa svim organizacionim jedinicama i po potrebi pratiti saradnja, te neposredno uključivati u aktivnosti na planu rada policije sa zajednicom.

- Također, sudjelovat će u provođenju kampanja u cilju upoznavanja građana o određenoj problematici, te senzibiliranja istih u cilju povećanja opreznosti i suradnje sa policijom u podizanju nivoa sigurnosti, zatim pratiti problematiku i inicirati partnerstva u provođenju aktivnosti i ostvarivati saradnja sa domaćim i inostranim partnerima (ICITAP i dr.).

- Provođiće se nadležne aktivnosti iz oblasti zaštite tajnih podataka u skladu sa odredbama Zakona o zaštiti tajnih podataka i drugih propisa donesenih na osnovu ovog Zakona, te odredbama Pravilnika o unutrašnjoj organizaciji MUP-a Kantona Sarajevo, a naročito:
 - Kontinuirano će se provoditi aktivnosti u oblasti personalne sigurnosti od pokretanja aktivnosti za vršenje sigurnosnih provjera uposlenika, odnosno odabranih lica za prijem u radni odnos, sve do izdavanja rješenja o dozvoli za pristup tajnim podacima odgovarajućeg stepena tajnosti. U vezi s navedenim, u kontinuitetu će se voditi i ažurirati propisane evidencije, te ulagati potrebna dokumentacija u poseban dio personalnih dosijea propisan odredbama Zakona o zaštiti tajnih podataka.

 - Nastavit će se raditi na započetim aktivnostima na uspostavljanju prostorija sigurnosnog područja u objektu Ministarstva u sjedištu, kao i određivanju prostorija za kontrolne tačke u drugim objektima Ministarstva, te specificiranju i nabavci potrebne opreme za iste, u skladu sa važećim standardima.

 - U saradnji sa organizacionim jedinicama nadležnim za oblast edukacije i obuke, provodit će se aktivnosti na edukaciji i obuci uposlenika iz oblasti zaštite tajnih podataka u cijelom Ministarstvu.

 - Ostvarivat će se saradnja i koordinacija sa Sektorom za zaštitu tajnih podataka, Ministarstva sigurnosti BiH, kao i Državnom sigurnosnom službom za poslove propisane odredbama Zakona o zaštiti tajnih podataka i drugih propisa donijetih na osnovu ovog Zakona, zatim Agencijom za istrage i zaštitu (SIPA) i Obavještajno-sigurnosnom agencijom (OSA) u aktivnostima koje se odnose na vršenje sigurnosnih provjera, kao i drugim organima i institucijama na svim nivoima državne organizacije Bosne i Hercegovine, u cilju implementacije propisanih obaveza i iznalaženju najboljih praktičnih rješenja u ovoj oblasti.

 - Radiće se na praćenju, usaglašavanju, izmjeni, predlaganju i po potrebi donošenju novih podzakonskih akata, instruktivnih akata i depeša kojima se konkretnije razrađuju pitanja iz oblasti zaštite tajnih podataka i daju konkretna uputstva za postupanje.

 - U skladu sa relevantnim propisima, po ukazanoj potrebi i po nalogu rukovodilaca Uprave policije i Ministarstva, preduzimaće se potrebne mjere i radnje na vršenju unutrašnjeg nadzora nad radom organizacionih jedinica Ministarstva u oblasti zaštite tajnih podataka.

IX OSTALI POSLOVI I ZADACI IZ NADLEŽNOSTI UPRAVE POLICIJE

- Sve organizacione jedinice će u skladu sa propisanim procedurama i uputstvima te shodno potrebama i situaciji na terenu u cilju izvršenja svojih zadataka kao i zadataka iz nadležnosti drugih institucija, organa vlasti i građana, ostvarivati saradnju sa drugim ministarstvima unutrašnjih poslova i drugim organima u Bosni i Hercegovini u okviru nadležnosti Ministarstva.

- Uprava policije i njene organizacione Jedinice će ostvariti usku saradnju sa tijelima Skupštine Kantona Sarajevo nadležnim za oblast sigurnosti u cilju stvaranja što boljeg i sigurnijeg ambijenta sa život građana Kantona Sarajevo. U tom smislu pravovremeno i na objektivnan način će se razmjenjivati informacije i podaci koji su bitni kako za ukupnu sigurnosnu situaciju, tako i za pojedinačne slučajeve i poslaničke inicijative, pitanja, zaključke Skupštine Kantona Sarajevo i sl.

-U skladu sa Zakonom o nabavljanju, držanju i nošenju oružja i municije, Policijske uprave će vršiti i poslove na izdavanju odobrenja za nabavljanje, držanje i nošenje oružja i municije, za građane i pravna lica po mjestu prebivališta, te će u skladu s tim voditi propisanih evidencije i obavljati druge poslove i zadatke iz ove oblasti.

-U skladu sa svojim obavezama predviđenom odgovarajućim pravilnicima, organizacione jedinice Uprave policije će obavljati i poslove koji se odnose na oblast proizvodnje, prometa i skladištenja eksplozivnih, zapaljivih i opisanih materija iz nadležnosti kantona,

- U skladu sa Zakonom o unutrašnjim poslovima Kantona Sarajevo, organizacione jedinice Uprave policije će pružati pomoć i drugim državnim organima i pravnim licima kojima je povjereno vršenje javnih ovlaštenja u skladu sa posebnim propisima.

za POLICIJSKOG KOMESARA
NACELNIK SEKTORA UNIFORMISANE POLICIJE
Glavni inspektor

Mevludin Halilović

